

光緒吉林通志

吉林通志卷三十七

經制志二 禮儀下

文職見長官禮 司道以下官見將軍與見總督儀

同初見具銜名履歷公服詣署司道見督撫至大門外降輿入及儀門由左門入督撫迎於外堂後屏

內督撫先行司道隨入及廳事司道當楣北面稟參督撫辭週三揖督撫西面答揖督撫正坐司道東旁

侍坐旅見則以次東西面命坐揖茶至揖凡司道揖督撫均答揖解出三揖如初督撫送至屏門外司道

三揖埃督撫入門復三揖趨出至大門外乘輿督撫次日用名柬答拜若公事謁見常服通銜名三揖就

坐餘如前儀知府見督撫督撫不迎送不答拜餘如司道見儀同知通判見督撫轅門外下與馬餘與知

府見同州縣見督撫轅門外下與馬升堂北面再拜與三揖解退三揖督撫皆立受餘如府倅見儀

司道以下官見副都統與見總兵官儀同司道等官見總兵官

行賓主禮賓至者從者通名門吏啟門儀衛止儀門
外賓由中門入至外堂檐下與馬主人迎於檐下
揖賓入每門讓於賓及廳事各再拜與主人爲賓正
坐西面賓禮辭主人固請卒正坐賓爲主人正坐東
面亦如之主人揖賓就位執事者進茶主人各揖
飲茶敘語畢賓避席揖辭退主人答揖賓出主人送
至外堂檐下與乘馬送退知府同知通判見總
兵官二門外下與馬迎送至階上餘儀及總兵官答
拜均如司道見提督儀司道見提督於儀門下與
迎送於堂檐下提督正坐司道見提督於儀門下與
門下馬迎送於儀門外州縣見總兵官大門外下
與馬由中門入迎送至檐下總兵官正坐州縣侍坐
入九品以下佐雜官見

總兵官行一跪三叩禮

府廳州縣見子爵如總

兵官儀男爵如副將儀輕車都尉參領如參將儀騎

都尉副參領如都司儀雲騎尉並五品官如守備儀

協領參領見督撫與司道同 佐領防禦等官見

督撫與知府同驍騎校見督撫與知縣同餘不相統屬者均行賓主禮

知府同知通判見司道司迎送於屏門外道迎送於堂檐下坐次知府等東位西面司道位於西南東北面餘如見督撫儀司道用名東答拜州縣見司道行庭參禮司道不迎送餘如知府見儀州縣見知府迎送於屏門外餘如見司道儀見同知通判迎送於堂檐下餘儀同直隸州知州見長官及接屬官儀與知府同直隸州州同州判見長官及接屬官儀與州縣同教職見督撫司道知府等官均如知縣見儀首領

佐雜官見督撫司道知府行一跪三叩禮不揖不坐
府首領縣佐貳等官見同知通判如州縣見司道儀
雜職官見同知通判如見知府儀見知縣如州縣見
知府儀同知通判見知府名東用晚生由中門入行
賓主禮州縣佐貳見州縣如之教職見州縣名東用
晚生由中門入行賓主禮惟照磨知事見府廳名東
用晚生由左門入皆行賓主禮

長官新蒞任司道遣役迎於境內府州縣官於所治
十里內躬迎十里以外不出迎司道以下官蒞任屬
官準此

司道見學政具銜名東儀門外下輿由中門入學政
迎於堂檐下司道三揖學政讓入後堂行賓主禮待
茶辭出三揖學政送至堂檐下三揖由中門步出學
政用名柬答拜凡司道揖學政皆答揖知府直隸州
知州同知通判見學政不稟參送至堂後屏外餘與
見督撫同州縣見學政初見庭參常見三揖學政咸
避席答揖送至堂後屏內教職見學政初見再拜常
見三揖學政立受餘與州縣同首領佐貳雜職官見
學政與見督撫同

通禮四十六

儒學弟子員見學師之禮

與國子生見國學師儀

同初見具名束公服詣學國學首領官引自東階升
堂北面三揖師立受侍立於左西面受教畢三揖退
若燕見通名竛召迺入師迎於階上弟子升階揖師
入門從入北面再拜師西面答揖趨正師坐師命坐
北面揖師位於西南東北面弟子西面旅見則以次
東四位坐北
上茶至揖請問揖辭退北面三揖師皆答揖師出送

前行弟子從及二門外弟子三揖竛師入迺退學政
按臨次日釋奠學宮講學於明倫堂提調等官謁見
如儀教職引學弟子員進見各三揖退立學弟子員
出班講書竛行賞罰畢各退同上

受業弟子見師長之禮 初見師未出先入設席正位俟於堂下師出召見乃奉饗入奠饗於席北面再拜師起答揖興謹問起居命之坐適侍坐有問則起而對辭出三揖師不送常見侍坐請業則起請益則起師有教立聽命坐適坐師問更端仍起而對朝入一揖暮出一揖與同學弟子均以齒序同上士人敵體相見之禮 賓及門從者通名主人出迎於大門外揖入及門及階揖如初登堂主賓均北面再拜興主人趨正賓坐賓禮辭主人卒正坐左還賓正主人坐亦如之卽席賓東位西面主人西位東面

飲茶敘語畢賓退揖及階及門揖辭主人均答揖迺送賓於大門外揖如初若見父之執友與見尊長儀

同
同上

卑幼見有服尊親之禮 及門從者通名俟外次尊長召入見升階北面再拜尊長西面答揖命坐眠尊長坐次侍坐於側茶至揖敘語畢稟辭三揖凡揖尊長皆答出尊長不送若尊長來見卑幼迎送於大門

外行禮坐次如前儀

同上

民公以下皆禮 將及冠擇朝臣女年齒相當者先以媒妁通言二姓遂諏吉行納幣禮民公用金項飾

至日婿家具合巹燕於室婿吉服以俟迺設儀衛各
眡其品子未受職父爲納婦者禮眡其父鼓樂不得
過十二人鑾不得過十二以婦與如女氏女氏主人
告於廟筭而命之醴女以俟迎者至姆奉女升與至
門女侍導婦入室交拜訖行合巹禮是日設燕民公
席二十侯十有八伯十有七一品官十有五二品官
十有三三品官八四品官六五品官五六品至九品
官具燕俱用牲三越三日主人主婦率新婦見於廟
分不得立廟者見祖禰於寢如常告儀

通禮二
十五

士昏禮

入品以下
官同

納采諏吉具書媒氏告於女家主

人以子弟一人爲使者奉書如女氏女氏主人出迎
賓揖讓入門升堂賓東面致辭奉書主人西面受書
再拜賓避拜請退俟命主人使子弟待賓以書入告
於寢如儀具復書出授賓賓受書主人布席禮賓畢
賓揖辭主人送之如初使者還復命主人拜受書禮
使者行家人禮諏日納幣具書備禮物章服一稱入品
以下官如其品幣表裏各四兩容飾合四事食品六器
媒氏告於女家主人遣使奉書物行禮女家受禮告
寢復書禮賓賓復主人均如納采昏有日主人備鷄
酒書昏期於東使媒氏奉如女家告女氏主人報東

授媒氏復昏前一日女家使人以奩具張陳婿室至日婿家筵於室中位東西面別以案陳合巹器設醮爵於堂東初昏婿攝公服俟於堂下婿馬一乘二燭前馬婦與一乘轎蓋前飾采絹二俟於門外主人盛服醮于於堂東命之迎婿出乘馬如女家雁及婦與從其日女氏主人告於寢如儀畢主人位內堂東主婦位內堂西父醮女如婿儀婿至女家門外主人出迎婿執雁從入主人東階上西面婿西階上北面奠雁再拜主人不答拜姆加女景蓋首婿揖之降主人降送姆導女升與女家亦以二燭前與婿乘馬先

俟於門婦至降輿婿導婦入室踰闕膝布婿席於東
御布婿席於西婿婦交拜訖姆脫婦景婿揖婦卽席
婿東婦西坐行合巹禮厥明婦夙興俟見舅位堂東
姑位堂西皆南向婦以贄見於舅姑再拜舅姑受贄
婦具酒饌行盥饋禮舅姑就位婦奉饌舅姑卒食一
醕婦再拜送酒舅姑卒飲共饗婦於阼階及饗婦送
者均與前同三日婦見祖禰於寢陳設如薦儀主人
在東昏者從主婦在西婦從再拜主人升詣香案前
上香奠酒告畢俯伏興退立於東婦進當門中再拜
興復位主人復位及主婦以下皆再拜興禮畢退讞

日婿以贄見婦之父母迎入奠贄再拜主人答拜見
主婦婿拜於寢門外主婦答拜於門內出主人醴婿

皆如儀

通禮二
十六

庶人昏禮 納采諏日書昏者生年月日以授媒氏
奉如女家女氏主人受誓告於寢書女爲誰氏出及
生年月日授媒氏道遠具饌近則否媒氏復命主人
禮之納幣備禮物服一稱用帛無章紉絹四兩容飾
四事食品四器媒氏奉如女家女氏主人受之饜媒
氏復命如納采禮昏有期備薦書昏期於東使媒氏
奉如女家告女氏主人許使媒氏復昏前一日女家

使人以奩具陳於婿室至日婿家筵於室中東西爲位別以案陳合巹器設醮爵於廳事東序初昏婿盛服竝於階下婿馬一乘二燭前馬婦與一乘轎蓋無飾鐙鼓樂人均不得過八袞於門外主人盛服至廳事東位西面婿升主人醮之命之迎婿再拜出乘馬如女家雁及婦與從其日女家告於寢醮女以袞婿既至主人出迎於門外導入婿執雁從入升堂主人東階上婿西階上北面奠雁再拜姆加女景蓋首出婿揖之降婦從降姆以女登與二燭前與婿乘先袞於門婦至降輿婿揖入室踰闕布席婿婦交拜訖姆

脫婦景婿揖婦就位坐婿東婦西行合卺禮婦夙興
盛服以贄見舅姑於堂拜獻如禮饋酒食於舅姑饗
婦及婦送者三日婦見祖禰於寢如常薦禮諏日婿
往見婦之父母婦父設酒食禮婿如儀

同上

官員喪禮

有疾居正寢

女居內寢

疾革遺摺

三品以上官得具遺摺

遺言皆書之既終子號哭擗踊去冠被髮徒跣諸

婦女子去笄期功以下丈夫素冠婦人去首飾皆易

素服男哭牀東女哭牀西異向作魂帛

結白結爲之

爲位

於尸東前設案奠閣餘

生前食飲所餘

脯醢酒果用吉器立

喪主

以適長子無則長孫承重

主婦

以亡者之妻無妻及母之護喪則以喪主之妻當之

喪司賓司書贊祝諸執事人治棺

民公采棺朱髮飾金花俛伯一品官

以下及凡喪具護喪者使人上遺摺計於有司及親

屬僚友

右初終

越日小殮侍者於寢室施幃設浴牀於

尸牀前牀東置案陳沐浴巾櫛含具三品以上含用

小珠玉五七品以上用金玉屑五襲牀在浴牀西襲

事陳其旁常服一稱朝衣冠帶各以其等侍者遷尸

浴牀南首諸子哭踊婦人出

女喪則男出

迺去尸衣覆以

殮衾侍者奉湯入哭止沐髮櫛之晡以巾束之抗衾

而浴拭以巾訖結襲衣縱置於牀南領舉尸易牀徹

沐牀浴具埋巾櫛及餘水於屏處迺去衾襲常服朝

服加面巾喪主以下爲位而哭喪主及諸子坐於牀
東奠北同姓丈夫以服爲序坐諸子後西面主婦及
諸婦女子坐於牀西同姓婦女以服爲序坐諸婦後
婢妾又在其後東面均南上尊行丈夫坐東北壁下
西上尊行婦女坐西北壁下東上異姓丈夫坐於幃
外之東西上異姓婦女坐於幃外之西東上若內喪
則同姓丈夫皆坐幃外之東異姓丈夫皆坐幃外之
西執事者執合具前喪主起盥親合尸訖哭復位右
是日執事者帷堂如寢陳殮牀於堂東加殮衣三品
以上五稱複三禭二五品以上三稱複二禭一六品

以下二稱複一禪一皆以繪複衾一二品以上色絳
四品以上色緇五品色青六品色紺七品色灰紵絞
皆素帛旣辦迺遷尸牀於堂中行殮事畢喪主暨諸
子括髮加首經腰經皆以麻婦麻髻餘同右小殮三日

大殮執事者以棺入設於堂正中南首承以兩筵棺

內奠七星版藉茵褥施綿衾垂其裔於四外民公藉三層侯

伯一品以下屆時奉尸入棺實生時所落齒髮卷衣以

塞空處令充實平滿喪主以下憑棺哭踊盡哀迺蓋

棺加錠施漆三品以上比葬每月三漆五品以上月

再漆七品以上月一漆徹殮牀遷柩其處柩東設靈

牀施幃帳枕衾衣冠帶履之屬設頽盆帨巾於靈牀

側皆如生時柩前設靈座奉魂帛几筵供器具建丹

旄於門左內喪則於門右漢人以絳帛為銘旌三品以上長

九尺五品以上八尺七品以上七尺題曰某官某公

內喪書某封某氏之柩縣以竹杠依靈右執事者陳饌案食

品用素器啟帷行殮奠禮內外就位如寢司祝焚香

奠酒喪主以下哭盡哀畢下帷每奠皆同及夜奉魂帛復

牀諸子次於中門之外寢皆枕塊不脫經帶諸婦女

子次於中門之內帷幔枕衾皆布素哀至則哭晝夜

無時右大殮是日成服五服各以親疏為等斬衰三年

子爲父母爲繼母子之妻同庶子爲嫡母所生母慈

母

妾子無母父命他妾養之者

庶子之妻同爲人後者爲所後父

母爲人後者之妻同女在室及已嫁被出而反在室

者爲父母嫡孫承重爲祖父母祖在爲祖母服同若

祖父俱亡爲高曾祖後者同爲人後者承重爲所後

祖父母承重者之妻同妻爲夫妾爲家長服生麻布

旁及下際不緝麻冠經菅屨竹杖婦人麻屨不杖餘

同齊衰杖期嫡子眾子爲庶母

謂父妾有子者

嫡子眾子之

妻同子爲嫁母

親生母父卒而改嫁者

出母

親生母爲父所出者

夫爲妻

服熟麻布旁及下際緝之麻冠經草屨桐杖

父母在夫爲妻

不婦人麻屨餘同齊衰不杖期爲改嫁繼母謂父卒繼母嫁

而已從之者若

爲同居繼父

謂父卒從母嫁兩無大功以上親嫁母夫又爲

之立廟

祀先者爲伯叔父母及姑在室者爲養母撫同宗及

三歲下遺棄子者若三歲下遺棄子不知本宗卽從

所養家姓氏應考出仕者爲養父母之服同

並令報考解任

爲兄弟及姊妹在室者爲兄弟之子及女在室者爲

子之爲人後者祖爲嫡孫父母爲嫡長子眾子及嫡

長子之妻爲女在室者繼母爲長子眾子孫爲祖父

母孫女在室出嫁同庶孫爲生祖母

若父先卒無與父同母之伯叔

者爲生祖母持服

同並令報考解任 女出嫁爲父母爲人後者爲本生

父母庶子之爲人後者爲本生生母

均令報考解任

女在室

及雖適人而無夫與子者爲其兄弟姊妹及兄弟之

子與兄弟之女在室者女適人爲兄弟之爲父後者

婦爲夫兄弟之子及女在室者妾爲家長之父母家

長之妻家長之長子眾子與其所生子冠經履同上

齊衰五月孫及女孫

在室出嫁同

爲會祖父母服熟桐麻

布冠經如其服草履婦人麻履齊衰三月爲不同居

繼父

謂先同居後異居者若未嘗同居則無服

爲同居繼父兩有大功以

上親者孫及女孫

在室出嫁同

爲高祖父母冠經履同上

大功九月爲從兄弟及姊妹在室者爲姑及姊妹適

人者爲兄弟之爲人後者爲兄弟之子爲人後者爲

父之兄弟爲人後者爲人後者爲本生祖父

若所後同

祖者仍從本服餘仿此

爲本生伯叔父母爲本生兄弟及姑姊

妹在室者兄弟之子及女在室者祖爲眾孫及孫女

在室者祖母爲嫡孫眾孫及孫女在室者爲孫之爲

人後者生祖母爲庶孫同父母爲眾子婦及女之適

人者伯叔父母爲從子婦及兄弟之女適人者婦爲

夫祖父母伯叔父母爲人後者之妻爲夫之本生父

母

其於夫之本生餘親則各從本服悉降一等報亦如之

女出嫁爲本宗伯叔

父母本宗兄弟及兄弟之子本宗姑姊妹及兄弟之

女在室者

凡在室之女與男子同後仿此

服纁白布冠經如其服繭

布緣履小功五月爲伯叔祖父母爲從伯叔父母及

從姊妹適人者爲再從兄弟及姊妹在室者爲從兄

弟之子及女在室者爲祖之姊妹在室者爲父從姊

妹在室者爲兄弟之妻爲兄弟之孫及兄弟之孫女

在室者爲從兄弟之爲人後者爲外祖父母爲母之

兄弟及母之姊妹爲姊妹之子及女在室者嫡孫眾

孫爲庶祖母祖爲嫡孫之婦爲人後者爲本生曾祖

父母

若所後同曾祖者仍從本服餘仿此

爲本生姑姊妹之適人者從

兄弟及從姊妹之在室者爲本生兄弟之子婦及兄

弟之女適人者婦為夫兄弟之孫及孫女在室者為
 夫之姑姊妹兄弟及兄弟之妻為夫從兄弟之子及
 女在室者為夫之伯叔為人後者女出嫁為本宗姊
 妹之適人者為本宗從兄弟及從姊妹之在室者為
 本宗伯叔兄弟及兄弟之子為人後者曾祖父母為
 曾孫之為人後者妾生有子者為家長之祖父母服稍細
 白布冠經如其服屨同上總麻三月為乳母為曾祖
 兄弟及曾祖兄弟之妻為祖從兄弟及祖從兄弟之
 妻為父再從兄弟及父再從兄弟之妻為三從兄弟
 及姊妹在室者為曾祖之姊妹在室者為祖之從姊

妹在室者爲父之再從姊妹在室者爲兄弟之曾孫
及曾孫女之在室者爲兄弟之孫女適人者爲從兄
弟之孫及孫女在室者爲再從兄弟之子及女在室
者爲祖之姊妹父之從姊妹及己之再從姊妹適人
者爲從兄弟之女適人者爲從伯叔伯叔祖再從兄
弟爲人後者爲兄弟之孫從兄弟之子爲人後者爲
母之兄弟爲人後者爲姊妹之子爲人後者爲父姊
妹之子爲母兄弟姊妹之子爲妻之父母爲女之夫
女之子若女爲女之子爲人後者爲兄弟孫之妻爲
從兄弟之妻爲從兄弟子之妻爲人後者爲本生高

祖父母

若所後同高祖者仍從本服餘仿此

爲本生伯叔祖父母祖姑

之在室者從伯叔父母從姑之在室者從姊妹之適人者再從兄弟再從姊妹之在室者爲本生兄弟之妻從兄弟之子及女在室者兄弟之孫及孫女在室者爲本生母之父母及兄弟姊妹爲本生姊妹之子及女在室者祖爲眾孫婦祖母爲嫡孫眾孫婦曾祖父母爲曾孫曾孫女高祖父母爲元孫元孫女爲元孫之爲人後者婦爲夫高曾祖父母爲夫之伯叔祖父母及夫祖姑在室者爲夫之從伯叔父母及夫從姑在室者爲夫之從兄弟姊妹

在室出

及從兄弟之

妻爲夫再從兄弟之子及女在室者爲夫從兄弟之
女適人者爲夫從兄弟子之妻從兄弟之孫及孫女
在室者爲夫兄弟孫之妻兄弟之孫女適人者爲夫
兄弟之曾孫及曾孫女之在室者爲夫之兄弟爲人
後者女出嫁爲本宗伯叔祖父母及祖姑之在室者
爲本宗從伯叔父母及從姑在室者爲本宗從兄弟
之爲人後者爲本宗從姊妹之適人者爲本宗從兄
弟之子及女在室者子爲父母改葬既葬除之妻爲夫孫爲祖後並
同服細白布經帶如其服素履無飾凡喪三年者百
日薙髮仕者解任士子輟考在喪不飲酒不食肉不

處內不入公門不與吉事期之喪二月薙髮在喪不
昏嫁九月五月者踰月薙髮三月者踰旬薙髮在喪
均不與燕樂八旗官在京者三年喪持服百日後薙
髮供職二十七月內居家仍素服不與吉事爲祖父
母兩月後薙髮供職爲人後者爲本生父母爲曾祖
父母爲撫養庶母爲伯叔父母爲兄弟爲妻爲已授
室之子一月後薙髮供職制服期內居家仍素服不
與吉事爲高祖父母爲庶母生育子者爲伯叔祖爲從伯
叔爲從兄弟爲兄弟已授室之子爲兄之妻爲子婦
爲已授室之孫既殯七日後薙髮供職爲伯叔祖母

爲從伯叔母爲再從兄弟爲弟之妻爲從兄弟之妻
爲兄弟子之妻爲孫婦殯後薙髮供職制服期內均
不與燕樂右成服大殮翼日喪主以下夙興侍者設頰
水櫛具於靈牀側五服之人各服其服就位侍者收
頰櫛具奉魂帛出就靈座朝奠眾哭執事者設果蔬
酒饌如生時祝焚香斟酒點茶喪主以下詣案前再
拜哭盡哀各以其服爲序男先女後宗親先外嫗後
復位哭止日中設果筵奠酒及夕又奠均如朝奠儀
侍者詣靈牀舒衾枕奉魂帛於牀上退諸子婦哭盡
哀迺止每奠皆如之朔望則殷奠具盛饌於朝奠行

之遇新物則薦如朝奠儀

右朝夕奠

越日行初祭禮侍者

詣靈前設遺衣服於座執事者陳饌筵羊酒具楮幣

民公筵十有五席羊七楮四萬侯筵十有三席楮三

萬六千伯筵十有二席楮三萬二千均羊六一品官

筵十席羊五楮二萬八千二品官筵八席羊四楮二

萬四千三品官筵六席楮二萬四品官筵五席楮萬

有六千均羊三五品官筵四席楮萬有二千六品七

品官筵三席楮萬均羊二五服之人咸集各以其服

爲序司祝焚香斟酒喪主以下詣案前再拜哭奠如

饋卒奠侍者奉衣服及楮幣送燎所焚燎大功者是

日易素服行大祭禮儀與初祭同期服者是日易素

服

右初祭大祭

親賓聞訃告弔於喪主之家未殮至者入

門易素服司賓待於廳事以贈賻儀物授司書入臨

尸哭盡哀遂弔喪主持哭喪主以下哭稽顙無辭賓

出司賓送成服以後至者各以其服弔具酒果香燭

厚則加貨財皆書於狀先使從者持狀通名司書籍

記之以禮物入陳靈前喪主以下就位哭司賓出迎

賓入詣靈座前舉哀哀止跪焚香酌酒再拜興喪主

出帷稽顙哭謝賓答拜慰唁出喪主哭入司賓延客

待茶賓退司賓送於門外

右親賓弔奠賻

品官卒於位與在

任遭父母喪者初喪成服朝夕奠皆如前儀擇日扶

輓還家

卒於京者禮部給沿途照驗兵部給郵符夫馬在直省者由任所督撫給咨牌均行本籍

得入城治喪

備行舉儀從各胝其品告啟期於親戚僚友

啟行前一日行啟奠禮喪主以下就位哭祝詣靈前

跪告曰今擇某日奉靈柩還故鄉敬告俯伏興喪主

以下稽顙哭再拜興復位盡哀止厥明遷奠告遷於

柩前禮亦如之徹祝納魂帛於櫛役人舉舉入遷柩

就舉主人以下輟哭胝載出大門加幃蓋發引儀從

在前銘旌魂帛從喪主以下杖哭隨柩及郊親戚僚

友祖者向柩設祖奠役人停舉賓向柩再拜主人稽

首哭謝賓退歛儀從遂行主人乘素車途次止宿奉

魂帛銘旌於靈柩前

凡柩暫停同

水行則設奠陸行則上

食及朝啟行亦如之至家前一日遣僕戒家人豫於

十里外布幕具奠以待至日五服之人各服其服以

迎柩至暫駐幕內設奠祝焚香斟酒跪告曰靈輅遠

歸將至家親屬來迎敢告俯伏興眾序哭再拜興柩

行咸徒步哭從至家安靈枕於殯所男女各就位哭

設奠祝焚香斟酒跪告曰靈輅遠歸至家敢告俯伏

興眾哭拜如初受弔朝夕設奠並如前儀

右扶

三月

而葬營葬地及葬具凡塋地一品九十步

發步均自坐心致至

四封丈有六尺二品八十步封丈有四尺三品七十步封丈有二尺四品六十步封一丈五品五十步封八尺六品四十步七品二十步封皆六尺圍以垣公侯伯周四十丈置守塋四戶二品以上周三十五丈守塋二戶五品以上周三十丈守塋一戶六品以下周十有二丈守塋二人設石像生公至二品用石人石馬石虎石羊石望柱各二三品減石人四品減石人石羊五品減石人石虎墓門勒碑書某官某公之墓婦人則書某封某氏若合葬則並書之公侯伯碑身高九尺廣三尺六寸螭首龜趺首高三尺二寸趺高三尺八寸一品

碑身高八尺五寸廣三尺四寸螭首龜跌首高三尺
跌高三尺六寸二品碑身高八尺廣三尺二寸麒麟
首龜跌首高二尺八寸跌高三尺四寸三品碑身高
七尺五寸廣三尺天祿辟邪首龜跌首高一尺八寸
跌高三尺二寸四品至七品碑身高三尺五寸遞減五
寸廣三尺五寸遞減二寸皆員首方跌其高均三尺五
寸遞減二寸刻壙誌用石二一書如碑碣一詳記姓諱
諡字無諡則
止書字州邑里居服官遷次及其生卒年月日
時葬處坐向所遺子女石字內向以鐵合而束之作
神主及主櫬製柩舉下爲方牀上編竹格爲蓋四出

檐垂流蘇繪荒繒幃均青藍色公侯伯織五采二品
以上施散金五品以上畫雲氣六品七品素繒無飾
承以杠五品以上皆髹朱六品七品飾紅墜障柅畫
嬰五品以上四六品七品二皆引布二功布一靈車

一儀從各從其品明器

或埏土或以竹木及紙爲之

各從其俗

右治

葬具擇日開兆喪主率諸子適兆所以宗親或媼賓二人告於土神執事者設案兆左陳酒饌置祝文告者吉服至盥詣案前立執事者二人奉香執壺瓊隨立左右告者跪上香再拜酌酒如儀祝奉祝文跪於告者之左讀曰維某年月日某官某敢告於司土之神

今爲某官某營建宅兆神其保佑俾無後艱謹以清酌庶羞祇薦於神尙饗讀畢興退告者俯伏興復再拜退遂開壙隨地所宜使子弟幹事者一人留眠之喪主以下還

古開兆
祝土神

葬有日豫以啟期告於親戚僚

友發引前一日厥明五服之人各服其服入就位哭朝奠訖祝跪告於殯前曰今以吉辰遷柩敢告俯伏興喪主以下哭盡哀再拜役人徹帟遷柩障以髮侍者移靈牀於堂正中靈座几筵仍設祝奉魂帛前柩喪主以下哭從及外堂布席置柩祝奉魂帛跪告曰清朝祖俯伏興執事者布席於廟兩楹間祝奉魂帛

詣廟喪主以下哭從及門止哭入序立階下祝奉魂

帛置席北正中再拜興奉魂帛還靈座喪主以下從

出廟門哭從如初

右遷柩
朝祖

日夕祖奠設饌如初奠儀

喪主以下舉哀祝盟詣靈座前喪主以下止哀祝焚

香奠酒畢告曰永遷之禮靈辰不留今奉靈車式遵

祖道俯伏興喪主以下再拜哭盡哀親賓致奠行禮

如成服致奠儀賓出喪主以下代哭如在殯時

右祖
奠

厥明五服之人會葬者畢會執事者陳明器吉凶儀

從於大門外公鞍馬八侯伯七一品六二品五三品

四四品三五品以下二納靈車於門內之右役人舉

舉入

二品以上六十四人五品以上四十八人七品以上三十二人

設於堂上喪主

以下哭踊迺載喪主輟哭既載周維以垣令平正牢

實執事者設遺奠於庭如祝奠儀祝跪告曰靈輜既

駕往卽幽宅載陳遺禮永訣終天俯伏興徹役人以

杠舉昇柩祝奉魂帛就靈車奉主櫬設魂帛後柩出

大門施幃蓋屬引遂發丹旆銘旌前導

旗人以丹旆漢人以銘旌

次儀從次明器次靈車次功布次舉外親分挽引布

在前喪主以下經杖衰服男在柩旁步從女在柩後

與從哭不絕聲尊行者皆乘車馬出城門若里門親

賓不至墓者於前途立向柩再拜役人權停舉乘者

皆下喪主哭謝賓退柩行如初若墓遠主人以下皆乘素車從望塋而下道中哀至則哭每宿設靈座置奠如在殯儀次日啟柩亦如之右遺奠發引葬之日執事者豫張靈幄於墓道右中置几一設藉柩席薦於壙外鋪陳壙中之事設婦入行幃於羨道之右靈車至幄外止祝奉魂帛置几上奉主櫬置魂帛側設奠如儀柩車至壙前役人脫載去幃蓋方牀下於藉席祝取銘旌去杠縱加柩上喪主以下憑棺哭踊盡哀親賓送者再拜辭歸喪主及諸子稽顙謝賓退屆時將窆內外五服之親以次再拜辭訣丈夫哭羨道東婦

人哭羨道西擗踊無算遂窆喪主輟哭臨胝執事者
整銘旌藏誌石設明器掩壙復土喪主以下哭盡哀
退就靈幄序立右是日祀土神於墓左如開兆祭儀
惟祝辭營建宅兆改爲窆兆擇宗親善書者一人題主執事者設

題主案於靈座東南西向筆墨具對案設盟二一祝

者盟喪主以下序哭於靈座側祝盥啟櫛出木版卧

置案上題主者盥就位書某封諡某官顯考某公母

稱顯妣神位訖祝奉木主置靈案上焚香奠酒喪主

以下再拜祝跪讀告辭於靈座之右曰哀子某謹告

於先考某官封諡府君母則稱先妣某封氏形歸窆窆神返室

堂神主既成伏惟精靈舍舊從新是憑是依讀畢興
復於案喪主以下再拜哭盡哀祝焚告辭奉魂帛埋
墓側奉主納櫨置靈車而還在途不驅喪主以下哭
從如來儀右祀土神題主靈車至家喪主以下哭從入大門
及庭止祝奉木主出車並櫨奉之設几上南向喪主
及諸子右寢東西向親屬以服輕重爲序在諸子後
婦人哭於房中有弔者如在殯儀酒修虞事執事者
具牲饌品數各眡其等陳設如祭禮祝啟櫨陳主於
靈座主人以下就位哭哭止贊參神主人盥洗詣香
案前跪執事者二人一奉香盤一挹尊酌酒詣主人

左右跪左進香主人三上香右進爵主人酌酒於地
以爵奠於案退復拜位及諸子親屬行一跪三叩禮
贊初獻主婦率諸婦出於房薦七箸醴爵於几前案
北跪一叩興退入於房庖人解牲體實於俎執事者
奉以升薦於供案執爵者奉爵主人獻爵於正中跪
叩興復拜位立贊讀祝主人以下跪祝詣祝案之左
跪讀文曰維某年月日朔孤子某敢告於先考某官
母則稱先妣 日月不居奄及初虞夙興夜處哀慕無
某封某氏 時謹以潔牲庶羞粢盛醴齊哀薦虞事尙饗讀畢興
復於案退主人以下哭一叩興贊亞獻主婦率諸婦

和羹實於鉶實飯於敦出薦於案及腊肉炙菹叩興
退如初主人獻爵於左贊終獻主婦率諸婦出於房

薦餅餌果蔬叩退主人獻爵於右如初獻儀贊送神

主人以下一跪三叩興哭祝焚祝文主人奉神主納

櫝徹哭止至夕奉神主於靈牀朝奉諸靈座朝夕朔

望奠如初遇柔日再虞遇剛日三虞如初虞禮祝文

虞爲再虞三虞

百日卒哭儀同虞祭

祝文改虞

卒哭

右反哭虞

事爲成事

之明日夙興執事者詣廟具饌陳設如常祭禮設亡

者案於祖考神案東南西向祝啟室奉四世神主以

次設於几如時薦之位主人率眾先哭於几筵前奉

亡者之主詣廟諸子以下哭從及廟門止哭主人陳
主於東南案上序立階下焚香進候祝讀告辭曰維
某年月日孝曾孫某謹以潔牲庶羞粢盛醴齊適於
顯曾祖考某官府君躋祔孫某官府君某尙饗次讀
祝於亡者位前曰孝子某謹以潔牲庶羞粢盛醴齊
哀薦祔事於顯考某官府君母則稱妣
某封某氏適於顯曾祖
考某官府君尙饗餘行禮儀節與常祭同畢祝焚告
文奉神主復於室徹主人奉亡者之主復寢諸子以
下從出廟門哭隨至几筵前納於櫝訖哭止眾退護
喪者代喪主爲書使人徧謝親賓弔賻者右卒
哭祔期而

小祥於忌日行事質明祝啟櫛出主諸子及期親就

內外位哭盡哀焚香進饌酒讀祝

辭同卒哭惟改卒哭日小祥成事日

常行禮與卒哭同

右小祥

再期大祥忌日行事先一日

告遷於廟執事者具果酒如常儀設案於東序西序

前各一主人盥詣廟啟櫛陳諸神主焚香進果酒如

常告儀祝讀告辭曰維某年月日孝孫某謹告於某

官府君某封某氏

四代備書

茲以先考某官府君大祥已

屆禮當遷主入廟某官某府君某封某氏神主親盡

當祧某官某府君某封某氏以下神主宜改題世次

遞遷不勝感愴謹以果酒用伸虔告尙鑿讀畢焚祝

主人以下俯伏與再拜奉各神主卧置東案上子弟
善書者一人改題高曾祖神主訖以紙裹應祀神主
陳於西序案奉改題主遷遷於室虛左一位以竢闈
室眾退厥明諸子諸婦女子致祭於几筵前陳設行
禮如初期儀惟祝辭改小祥曰大祥常事曰祥事諸子從喪主奉亡者
之主詣廟設於東室再拜奉祀主藏於夾室闈門出
迺徹寢室靈牀靈座罷朝夕奠徹几筵斷杖棄之屏
處右大祥中月而禫二十七月既周之日行事屆日夙
興執事者設几案於寢堂之中主人率諸子入廟詣
考位前啟室焚香再拜跪告曰孝子某將祇薦禫事

敢請神主出就正寢俯伏興奉主至寢堂陳於案執
事者陳饌案於前喪主及諸子於東壁下就位舉哀
婦人哭於房中焚香進果饌酒醴如常儀祝讀告辭
日維某年月日孝子某謹告於顯考某官府君神主
禫制有期追遠無及謹以清酌庶羞祇薦禫事尙饗
主人以下俯伏興再拜祝焚告文訖奉主復於廟闈
室皆退諸子素服終月始服常服右禫歲逢忌日前期
齋厥明主人及子弟素服詣廟設案於所薦神主室
前主人盥啟室奉主就案焚香薦蔬果酒饌告曰茲
以某府君某官遺諱之辰此稱某封某氏謹備庶羞清酌恭

仲追慕俯伏興及子弟皆再拜如時節薦新之儀禮

畢徹納主闔室退

右忌日奠

歲寒食或霜降節拜掃塋坐

其日主人夙興率子弟素服詣墳塋執事者具酒饌

僕人備芟剪草木之器從既至主人周胝封樹僕人

翦除荆草訖以次序立墓前焚香供酒饌再拜在列

者皆再拜興遂祭土神陳饌墓左上香酌酒主人以

下序立再拜退

右拜掃禮五十二通

士喪禮 疾革書遺言既終子號哭擗踊去冠被髮

徒跣諸婦女子去笄期功以下丈夫素冠婦人去首

飾皆素服立喪主主婦護喪贊祝諸執事人治棺及

凡喪具護喪者使人訃於有司及戚友執事者帷寢

設浴牀於尸牀前襲牀在浴牀西東陳沐浴巾櫛含

具舍用金銀屑三襲事陳其旁常服一稱冠及禮服

各以其等帶鞶皆備侍者遷尸浴牀南首諸子哭踊

婦人出女喪則 逝去尸衣覆以殮衾侍者奉湯及巾

櫛入沐浴喪主及諸子止哭眡執事者結襲衣縱置

於牀南領舉尸易牀徹浴牀浴具埋巾櫛及餘水於

屏處逝去衾襲常服禮服加面巾即牀前為位立魂

帛設奠陳生前所食脯醢酒果用吉器喪主以下為

位序哭如禮位詳見官員 執事者奉含具前喪主起

喪儀後同

盥舍尸訖哭復位越日小殮執事者帷堂陳殮牀於堂東加殮衣複一禫一複衾一紵皆備殮畢遷尸於堂喪主暨諸子麻括髮加首經腰經皆以麻婦麻壘餘同三日大殮執事者以棺入承以兩甕棺內奠七星版藉茵褥施綿衾垂其裔於四外屆時奉尸入棺實生時所落齒髮卷衣以塞空處喪主以下憑棺哭踊盡哀迺蓋棺加錠施漆比葬月一漆徹殮牀遷柩其處柩東設靈牀施幃帳枕衾衣冠帶履之屬設類盆帨巾皆如生時柩前設靈座奉魂帛几筵供器具門內立引旛漢人以絳帛爲銘旌

人品七尺九品
及有頂戴者五

尺

題曰某官封

未仕則否

顯考某府君之柩

婦則書顯妣某氏

依

靈座之右設殮奠內外序哭如儀及夜奉魂帛復牀

諸子次於中門之外寢苦枕塊不脫經帶諸婦女子

次中門之內幃幔枕衾皆布素哀至則哭晝夜無時

右初終

是日成服輕重以親疏爲等

詳見官員喪儀

厥明喪

主以下夙興侍者設頰水櫛具於靈牀側五服之人

各服其服就位侍者收頰櫛具奉魂帛出就靈座設

奠焚香斟酒點茶喪主以下哭叩盡哀及夕如朝奠

禮侍者詣靈牀舒衾枕奉魂帛於牀上眾哭盡哀酒

止夕奠皆同朔望則具殷饌於朝奠行之初祭日陳

饌筵三羊二楮一萬大祭儀同親賓弔奠如禮

見官員喪

儀右成服朝

士卒於其職

八品九品官以下同

或在職遭喪

者扶襯還家聞喪奔喪皆如品官之禮

右扶喪

三月

而葬營葬地及葬具墳塋周二十步封高六尺圍以

垣周十二丈置守塋二人墓門石碣員首方趺勒曰

某官某之墓無官則書庶士某之墓

婦則稱某封氏無封則稱某氏

刻擴誌

式見官員喪儀

作神主及櫨製柩輦下爲方牀上編

竹格爲蓋四出檐垂流蘇絹荒絹幃杠輦飾紅聖無

髮引布二功布一靈車一明器仍各從其俗擇日開

兆喪主率諸子適兆所以親賓一人告土神執事者

陳酒饌於兆左告者吉服盥就位上香酌酒讀祝祝辭

均見官員行禮如儀遂開壙使子弟一人留眠之喪

主以下還葬有期豫以啟期告於戚友發引前一日

厥明五服之人各服其服入就位朝奠訖告遷柩於

殯前喪主以下再拜哭盡哀役人入遷柩祝奉魂帛

前喪主以下哭從及外堂仍設座於柩前奉魂帛辭

於祖禰復於靈座從哭如初及夕祖奠如朝奠儀喪

主以下再拜哭盡哀親賓致奠行禮如成服致奠儀

賓出喪主以下代哭如初質明五服之人會葬者畢

會執事者陳明器於大門外設駁馬二納靈車於門

內之右役八舉舉入

八品三十二人九品及有頂戴者二十四人

設於廳

事正中喪主以下哭踊迺載喪主輟哭眠載牢實載

訖設遺奠如祖奠儀役人舁輦祝奉魂帛就靈車奉

木版積設魂帛後柩出大門施幃蓋屬引遂發引旛

銘旌前導

旗人以引旛漢人以銘旌

次明器次靈車舉從外親分

執引布在前喪主以下經杖袞服男在柩旁步從女

在柩後輿從哭不絕聲出城門若里門親賓不至墓

者於前途立向柩再拜役人暫停舉喪主哭謝賓退

柩行如初及墓執事者豫張靈幃於墓右置靈座几

筵設題主案於右設藉柩席薦於壙前鋪陳壙中之

事設婦女行幃於羨道之右靈車至幃外止祝奉魂帛於几上奉主櫬置魂帛側柩車至脫載去幃蓋方牀下於藉席祝去銘旌縱加柩上喪主及諸子憑棺哭婦女哭羨道西屆時男女以次哭叩辭訣親賓送者再拜辭歸喪主及諸子哭謝遂窆喪主輟哭舐執事者整銘旌藏誌石明器復土喪主以下哭盡哀執事者陳饌於墓左致祭土神如開兆祭儀喪主以下退就靈幃之左序立祝盥復魂帛於廡啟櫬出木版卧置案上宗親善書者一人盥就位題主訖祝奉木主於几上設奠焚香奠酒讀告辭喪主以下哭叩盡

哀祝焚告辭奉魂帛埋於墓側奉主納櫛置靈車而返在途不驅喪主以下哭從如來儀

右啟殯至葬

靈車至

家喪主以下哭從入門祝奉木主設几上諸子在寢東服親序在諸子後婦女哭於房中有弔者如在殯儀遇修虞事執事者具饌品數各以其等主人以下就位哭主婦薦羹飯主人獻爵讀祝行禮如時薦儀畢主人奉主納櫛徹哭止眾退百日卒哭儀同虞祭厥明執事者具饌於寢室如常薦禮設亡者案於祖考神案東南啟室陳神主主人率眾先哭於几筵前奉亡者之主如寢諸子以下哭從及寢門止哭陳主

於東南案上厥序立焚香進饌讀告辭行禮如常薦

儀祝焚告文奉神主復室徹主人奉亡者之主復寢

哭隨至几筵前納櫬訖哭止眾退右返哭至耐期而小祥

於忌日行事厥明喪主以下及期親就內外位哭盡

哀焚香進饌酒讀祝行禮儀與卒哭同再期而大祥

先忌一日設案於寢堂東西各一主人率諸子詣寢

堂啟室以遞遷改題之事告於祖陳設讀祝行禮如

時薦儀酒以紙裹應桃神主陳於西案奉會祖以下

神主卧置東案使子弟善書者一人改題訖復於室

遞遷其位虛室中下級以俟闔門出質明主人以下

執几筵前序哭陳設行禮如初期儀主人奉亡者之主躋於寢室再拜闔門徹靈牀靈座罷朝夕奠徹几筵斷杖乘之屏處奉祧主於墓祭而埋於側如儀二十七月既周設几筵於廳事正中主人以下如寢堂啟室奉新祔神主陳於廳事几上祗薦禋事主人及諸子位東壁下舉哀婦人哭於房中焚香薦果饌酒醴讀祝如儀畢奉主復於寢室闔門退諸子素服終月始服常服右祥禫歲逢忌日前期齋厥明主人及子弟素服如寢堂啟室出專薦之主於案焚香薦酒饌讀祝行禮如時節薦新之儀禮畢徹納主闔室退右忌

奠口歲寒時節或霜降節日主人夙興率子弟素服具酒饌詣墓拜掃既至芟除荆草設饌於墓前主人以下序立焚香再拜興別陳饌於墓左祀土神行禮如

儀

右拜
掃

庶人喪禮 疾革書遺言既終子號哭擗踊去冠被髮徒跣諸婦女子去笄素服期功以下丈夫素冠婦人去飾男東女西異向環牀哭立喪主主婦使子弟護喪事治襲殮之具訃於戚友踰時子弟奉湯及巾櫛入婦女出婦喪則男出沐浴喪主及諸子止哭周眡徹巾櫛及餘水埋之設襲牀於尸牀前陳衣冠帶舄運

尸於牀襲喪主以下哭踊卽牀前爲位立魂帛設奠
陳生前所食酒饌內外序哭如禮喪主起盥含尸以
銀屑三旣襲幃堂設殮牀於堂東加殮衣複衾一皆
以絹紵絞皆備殮畢遷尸於堂執事者以棺入棺內
奠七星版藉褥施綿衾垂其裔於四外屆時奉尸入
棺實生時所落齒髮以衣實其空處喪主以下憑棺
哭踊盡哀迺蓋棺加錠施漆比葬一漆徹殮牀遷柩
其處柩東設靈牀施枕席衣被之屬設頽盆梘巾如
生時柩前設靈座奉魂帛几筵供器具設奠內外序
哭如儀及夜奉魂帛於牀諸子居柩側寢苦枕塊不

脫經帶諸婦女子易常次帷幔枕席用布素哀至則

哭晝夜無時

右初終
襲殮

是日成服

服制
見上

厥明五服之人

各服其服就位子弟設頽水帨巾於靈牀側歛枕衾

奉魂帛出就靈座設奠焚香斟酒點茶喪主以下哭

叩盡哀及夕設奠亦如之舒枕衾復魂帛於牀徹頽

具眾哭盡哀迺止以至於虞朝夕同初祭大祭具饌

筵二羊一楮六干親賓弔奠如禮若在外聞訃者奔

喪成服均如士喪之禮

右成服朝夕
奠及祭弔

踰月而葬營葬

地及葬具墳塋九步封四尺牆四圍周八丈守墳二

人有誌無碣擇吉開壙祀土神作神主備靈車一柩

舉一別製布衾衣柩不施幃蓋杠舉兩端施黑中飾紅聖發引前一日喪主以下就位哭朝奠訖奉魂帛辭於祖爾遷靈座哺時設祖奠以永遷告喪主以下再拜哭盡哀厥明五服之人舉會約靈車於大門內之右納柩舉於廳事內外各就位哭徹幃遷靈座役人十有六人舉柩就載衣以大衾喪主以下哭眡載訖設奠柩前如祖奠禮奉魂帛就靈車置主櫬於後迺發引前列明器及鞍馬一男女以次哭從及墓執事者豫設藉席於壙前設靈座於墓道之右設奠案於座前設題主案於奠案右靈車至奉魂帛於座柩至脫

載下於藉席喪主以下憑棺哭婦女哭墓右屆時男
女以次哭叩辭訣諸親會葬者均以次哭叩辭歸喪
主及諸子哭謝迺納柩於壙下誌石復土祀土神
如儀喪主以下退就靈座之側序立子弟啟櫛奉木
版卧置案上宗親善書者一人題主訖子弟奉置靈
座納魂帛於廂設奠讀告辭畢喪主以下哭叩盡哀
祝焚告辭奉魂帛埋於墓側奉主納櫛遂行喪主以
下哭從如來儀右啟殯
至葬靈車至家子弟豫設几筵於
殯寢故處奉木主陳之喪主以下序哭如士喪反哭
之位迺虞饌品器數祗薦禮主人以下就位哭主婦

薦羹飯主人薦酒饌讀祝行禮如時薦儀畢主人奉
神主納櫬徹哀止眾退百日卒哭設奠行禮儀同虞
祭厥明喪主以下夙興哭於几筵前奉主詣寔陳於
祖考神室東南以祔告啟室陳設行禮如時薦儀畢
仍奉主復於几筵納櫬退右反哭
虞祔期而小祥忌日行
事厥明喪主以下及期親就內外位設奠哭叩如卒
哭儀再期大祥先一日諱寢以改題告遷於祖考如
士喪告遷之儀屆日夙興喪主以下就几筵前序哭
設奠行禮儀同初期主人奉亡者之主躋祔於祖再
拜闔門出徹靈牀靈座几筵罷朝夕奠斷杖棄之屏

處奉祧主埋於墓側如庶士儀二十七月既周設几案於廳事奉新耐神主陳之喪主以下就內外位哭奠行禮如常薦儀禮畢復主於寢闔門退諸子素服終月始服常服

右祥禮

忌日主人具饌羞羹飯夙興及子

弟素服啟寢室出專薦之主於案焚香薦酒饌行禮如常薦儀畢納主闔室退

右忌日奠

歲寒食或霜降節具

饌主人率子弟素服拜掃墳墓既至芟除荆草訖設饌於墓前主人以下焚香再拜與別陳饌於墓左祀土神行禮如儀

右拜掃同上

公侯伯子男冠服 民公冬朝冠薰貂爲之十一月

朔至上元用青狐頂鏤花金座中飾東珠四上銜紅
寶石端罩貂皮爲之藍緞裏補服色用石青前後繡
四爪正蟒朝服藍及石青諸色隨所用其制披領及
袖皆石青冬用片金加海龍緣夏用片金綠兩肩前
後正蟒各一腰帷行蟒四中有雙積裳行蟒八緣貂
朝服之制披領及裳俱表以紫貂袖端薰貂兩肩前
後正蟒各一雙積行蟒四皆四爪

賜五爪蟒緞者亦得用之朝珠珊瑚青金綠松密珀隨所
用雜飾惟宜條用石青色朝帶色用石青或藍鏤金
銜玉圓版四每具飾貓睛石一佩恂下廣而銳吉服

冠頂用珊瑚蟒袍藍及石青諸色隨所用通繡九蟒
吉服帶佩盼下直而齊版飾及佩惟宜雨冠雨衣及
裳均用紅色坐褥冬用全虎皮夏用阜繪襯紅氍毹
朝冠頂鏤花金座中飾東珠三上銜紅寶石朝帶鏤
金銜玉圓版四每具飾綠松石一坐褥冬用虎皮去
首尾夏用綠花阜繪餘皆如公伯朝冠頂鏤花金座
中飾東珠二上銜紅寶石朝帶鏤金銜玉圓版四每
具飾紅寶石一坐褥冬用虎皮去首尾夏用青雲繪
餘皆如侯子朝冠頂鏤花金座中飾東珠一上銜紅
寶石補服前後繡麒麟吉服冠頂用珊瑚餘皆氈一

品男朝冠頂鏤花金座中飾小紅寶石一上銜珊瑚
補服前後繡獅吉服冠頂用鏤花珊瑚餘皆貤二品
通禮五
十三

文武品官冠服 文一品朝冠頂鏤花金座中飾東
珠一上銜紅寶石補服前後繡鴉朝帶鏤金銜玉方
版四每具飾紅寶石一坐褥冬用狼皮夏用紅褐餘
皆如公武一品補服前後繡麒麟餘皆如文一品雨
衣雨冠均用大紅色文二品冬朝冠薰貂爲之十一
月朔至上元用貂尾頂鏤花金座中飾小紅寶石一
上銜珊瑚補服前後繡雞朝帶鏤金圓版四每具

飾紅寶石一吉服冠頂鑲花珊瑚雨衣紅色雨衣雨

裳青色

惟各省督撫均得用紅色

坐褥冬用獾皮夏用紅褐緣阜

褐餘俱如文一品武二品補服前後繡獅餘皆如文

二品文三品朝冠頂鑲花金座中飾小紅寶石一上

銜藍寶石補服前後繡孔雀朝帶鑲花金圓版四吉

服冠頂用藍寶石坐褥冬用貂皮夏用阜褐緣紅褐

餘皆如文二品武三品冬朝冠薰貂爲之補服前後

繡豹餘皆如文三品惟無緣貂朝冠及端罩一等待

衛戴孔雀翎端罩拾刺絲爲之間以貂皮月白緞裏

餘皆如武三品雨衣用大紅色雨衣青色文四品冬

朝冠薰貂爲之頂鑲花金座中飾小藍寶石一上銜
青金石補服前後繡雁朝帶銀銜鑲花金圓版四吉
服冠頂用青金石蟒袍通繡八蟒皆四爪雨冠紅色
前加緣二寸五分後五寸青色四品以下在內廷
行走官及講官雨冠
均用坐褥冬用山羊皮夏用阜布餘皆如文三品武
四品補服前後繡虎餘皆如文四品二等侍衛帶孔
雀翎端罩赤豹皮爲之素紅緞裏朝服剪絨綠色用
石青通身雲緞前後方襴行蟒各一腰帷行蟒四中
有幾積領袖俱石青粧緞冬夏皆用之餘皆如武四
品雨冠

御前侍衛

乾清門侍衛皆用紅色雨衣雨裳

御前侍衛用紅色其餘侍衛各從其品

四品官以上及御前侍從官衣服

織文均得用蟒右

一品至四品服 文五品朝冠頂鏤花金座中飾小

藍寶石一上銜水晶補服前後繡白鸚朝服片金緣

色用石青通身雲緞前後方襴行蟒各一中有襃積

領袖俱石青粧緞冬夏皆用之朝帶銀銜素金圓版

四吉服冠頂用水晶坐褥冬用青羊皮夏用藍布襪

白氈餘皆如文四品武五品補服前後繡熊餘皆如

文五品惟無朝珠三等侍衛帶孔雀翎端罩黃狐皮

爲之月白緞裏朝服剪絨緣如文五品朝服之制餘
皆如武五品文六品朝冠頂鑲金花座中飾小藍寶
石一上銜珮礫補服前後繡鸞鷲朝帶銀銜瑞珎圓
版四吉服冠頂用珮礫坐褥冬用黑羊皮夏用黑稜
色布餘皆如文五品惟無朝珠五品官以下惟京堂
翰林科道得用貂裘
朝珠六品官以下惟禮部主事司務光祿寺署正署
丞典簿太常寺博士典簿國子監監丞博士助教學
正學錄太常寺讀祝官贊禮郎鴻臚寺鳴贊武六
壇廟執事殿廷侍儀得用朝珠
品補服前後繡彪餘皆如文六品藍翎侍衛帶藍翎
端罩朝服朝珠均如三等侍衛餘皆如武六品雨冠
紅色青緣雨衣青色文七品朝冠頂鑲花金座中飾

小水晶一上銜素金補服前後繡鴻朝帶素金圓
版四吉服冠頂用素金蟒袍通繡五蟒皆四爪雨冠
青色前加緣二寸五分後五寸紅色坐褥冬用鹿皮
夏用灰色布餘皆如文六品武七品補服制如武六
品餘皆如文七品文八品朝冠鏤花陰文金頂無飾
補服前後繡鵝朝服色用石青雲緞無蟒領袖皆
青倭緞中有襞積冬夏皆用之朝帶銀銜明羊角圓
版四吉服冠鏤花陰文金頂坐褥冬用麀皮夏用土
布餘皆如文七品武八品補服前後繡犀牛餘皆如
文八品文九品朝冠鏤花陽文金頂補服前後繡練

雀朝帶銀銜烏角圓版四吉服冠鏤花陽文金頂坐
褥冬用獺皮夏用土布餘皆如文八品武九品補服
前後繡海馬餘皆如文九品未入流冠服制如文九
品雨冠青色紅緣雨衣青色凡文武候補候選官頂
帶均與現任同七品以上官得用諸花繪入九品官
員祇入品右五
品至九品官服

都御史御史直省按察使各道冠服 左都御史左

副都御史監察御史直省按察使及各道補服均前
後繡獬豸其都察院都事經歷筆帖式及按察使經
歷照磨等官俱照本身品級不得用獬豸補服同

士民冠服 會試中式貢士朝冠鑲花金頂上銜金
三枝九葉狀元金頂上銜水晶授職後各眡其品舉
人公服冠頂鑲花銀座上銜金雀公服袍青紬爲之
藍綠披領如袍飾公服帶制如文八品朝帶吉服冠
頂銀座上銜素金貢生吉服冠鑲花金頂餘皆如舉
人監生吉服冠素銀頂餘皆如貢生生員公服冠頂
鑲花銀座上銜銀雀公服袍藍紬爲之青綠披領如
袍飾公服帶制如文九品朝帶吉服冠制如監生外
郎耆老冠頂以錫民人冬夏帽上不得用絨纓大結

同上

民公夫人以下冠服 民公夫人冬朝冠薰貂爲之
頂鏤花金座中飾東珠四上銜紅寶石前綴金簪三
飾以珠寶護領條用石青色金約青緞爲之中綴鏤
金火燄飾珍珠一左右金龍鳳各一後垂青緞帶二
紅片金裏耳飾左右各三每具金雲銜珠各二朝褂
色用石青片金緣繡文前行蟒二後行蟒一領後垂
石青條雜飾惟宜朝袍藍及石青諸色隨所用披領
及袖皆石青冬用片金加海龍緣夏用片金緣繡文
前後正蟒各一兩肩行蟒各一襟行蟒四中無襃積
披領行蟒二袖端正蟒各一袖相接處行蟒各二後

垂石青條雜飾惟宜領約鏤金爲之飾紅藍小寶石
五兩端垂石青條二中各貫珊瑚末綴珊瑚各二朝
珠三盤珊瑚青金綠松密珀隨所用雜飾惟宜條用
石青色采帨月白色不繡花文冬朝裙片金加海龍
緣上用紅緞下石青行蟒粧緞皆正幅有襞積夏朝
裙片金綠緞紗各惟其時吉服冠薰貂爲之頂用珊
瑚吉服褂色用石青繡花八團蟒袍藍及石青諸色
隨所用通九蟒皆四爪侯夫人朝冠頂鏤花金座中
飾東珠三上銜紅寶石餘皆如民公夫人伯夫人朝
冠頂鏤花金座中飾東珠二上銜紅寶石餘皆如侯

夫人子夫人朝冠頂鏤花金座中飾東珠一上銜紅
寶石餘皆如伯夫人男夫人朝冠頂鏤花金座中飾
紅寶石一上銜珊瑚吉服冠頂鏤花珊瑚餘皆如子

夫人

同上

命婦冠服 一品命婦朝冠頂鏤花金座中飾東珠
一上銜紅寶石餘皆如民公夫人二品命婦朝冠頂
鏤花金座中飾紅寶石一上銜珊瑚餘皆如一品命
婦三品命婦朝冠頂鏤花金座中飾紅寶石一上銜
藍寶石吉服冠頂用藍寶石餘皆如二品命婦四品
命婦朝冠頂鏤花金座中飾小藍寶石一上銜青金

石朝袍片金緣繡文前後行蟒各二中無襞積後垂
石青條雜飾惟宜朝裙片金緣上用綠緞下石青行
蟒粧緞皆正幅有襞積吉服冠頂用青金石蟒袍通
八蟒皆四爪餘皆如三品命婦五品命婦朝冠頂鑲
花金座中飾小藍寶石一上銜水晶吉服冠頂用水
晶餘皆如四品命婦六品命婦朝冠頂鑲花金座中
飾小藍寶石一上銜硃磬吉服冠頂用硃磬餘皆如
五品命婦七品命婦朝冠頂鑲花金座中飾小水晶
一上銜素金吉服冠頂用素金蟒袍通五蟒皆四爪

餘皆如六品命婦

同上

品官父母及原任官冠服 品官曾祖父母祖父母
父母妻受封者冠服得如所封之品本身加級受封
冠服均從本任惟致仕後得照所封之品服用其京
外革職留任之員得照原品頂帶服用其有因公革
職未追封誥者祇許服用原官頂帶

同上

民公以下儀衛 民公與和碩額駙同侯金黃棍四
餘旣郡主額駙其有加級者棍得用紅伯杏黃繖一
青扇二飾以圓金四旗槍十金黃棍四常日前引二
後從八子杏黃繖一青扇二飾以圓金四旗槍八金
黃棍二前引二後從八男杏黃繖一青扇二飾以圓

金三旗槍六金黃棍二前引二後從六

通禮五十四

吉林通志卷三十八

經制志三

祿餉

吉林將軍額俸銀一百八十兩養廉銀一千五百兩

實領養廉銀六百六十八兩二錢五分辦公銀一千六百兩

自將軍以下十旗各

官弁俸餉數日均據兵司冊不註於逐條之下省文也

吉林副都統額俸銀一百五十五兩養廉銀五百二

十兩

實領養廉銀二百五十七兩四錢

辦公銀八百兩

按會典事例乾隆三十一年

議准吉林將軍歲給養廉銀二千兩副都統七百兩恐誤

同治四年將軍阜保奏准吉林將軍提銀一千六百

兩副都統提銀八百兩印務處提銀六百兩承辦處

提銀二百兩刑司提銀六百兩兵司提銀三百兩統
共提銀三千九百兩仍扣減平作爲辦公津貼此項
銀兩卽在新定菸木各稅盈餘項下撥給歸入奏銷
冊內分別造報

摺
檔

十年又奏准添給戶司辦公銀三百兩工司二百兩
以資津貼卽由於木稅盈餘項下提撥仍遵前定章
程覈減支發歸併奏銷

同上

甯古塔副都統伯都訥副都統阿勒楚喀副都統三
姓副都統琿春副都統額倅養廉辦公銀與吉林副

都統同

琿春副都統
無辦公銀

光緒六年將軍銘安奏准吉林各城副都統每歲應領廉俸共止實銀四百兩不敷支應現值籌辦邊防整飭營伍各城副都統奉公守法除廉俸外並無別項津貼仰懇

天恩俯准將甯古塔伯都訥阿勒楚喀三姓四城副都統津貼銀各八百兩由釐捐盈餘項下撥給並按照折放錢款章程每銀一兩折給中錢三千文支發以示

體恤而資辦公

冊稿

以上將軍副都統額俸銀一千一百一十兩養廉銀四千二百六十兩

實領養廉銀二千二百六十二兩六錢五分

辦公銀

五千六百兩

共銀八千九百二十二兩六錢五分

光緒十五年將軍長順奏吉林官俸向以實銀發放自咸豐初年軍興以來庫款支絀經部頒發鈔票四萬兩行令搭放俸餉嗣因鈔票利少弊多奏請停止票雖繳部而票折名目未裁現在仍遵定章官俸按五成搭票每兩折實銀二錢五分其五成現銀內除減扣二成並扣六分平銀外共計每兩僅贖五錢零一釐之數卽如協領係三品大員歲支俸銀一百三十兩照章折減發放實領銀六十五兩零僅贖原額

一半車馬履食公私費用皆在其中而佐防校尉等
官俸銀一律減扣藉此庸差實難敷衍窘困已極查
都京旗綠各營官俸現在發給十成黑龍江官俸亦
以八成發放吉林俸銀僅領五成未免向隅擬請歸
復舊制免去票折減扣發放實銀以示體恤如蒙

俞允所需添支俸銀卽在本省應徵地丁租稅項下覈實

動支

摺檔按此
事部議未准

吉林滿洲八旗協領

員八

每員額俸銀一百三十兩

吉林蒙古旗協領

員一

烏拉協領

員一

五常堡協領

員一

甯

古塔協領

員二

伯都訥協領

員二

阿勒楚喀協領

員二

拉林

協領員一 雙城堡協領員一 三姓協領員二 富克錦協領員一

琿春協領員二 額俸銀與吉林滿洲八旗協領同

吉林烏槍營參領員一 額俸銀一百三十兩

以上協領參領額俸銀三千二百五十兩

刑司辦公銀四百兩 兵司辦公銀三百兩 戶司辦公銀三百兩 工司辦公銀二百兩

以上辦公銀一千二百兩由稅銀項下支發

吉林滿洲八旗佐領員四十 每員額俸銀一百五十兩

吉林蒙古旗佐領員八 烏槍營佐領員八 烏拉佐領員八 伊

通佐領員二 額穆赫索羅佐領員一 五常堡佐領員二 甯古

塔佐領

十二員

伯都訥佐領

十二員

阿勒楚喀佐領

八員

林佐領

八員

雙城堡佐領

八員

三姓佐領

十六員

富克錦佐

領

四員

額倅銀與吉林滿洲八旗佐領同

以上佐領額倅銀一萬五千二百二十五兩

吉林防禦

二十員

每員額倅銀八十兩

烏拉防禦

四員

伊通防禦

二員

額穆赫索羅防禦

一員

四邊

門防禦

四員

五常堡防禦

二員

甯古塔防禦

八員

伯都訥防

禦

八員

阿勒楚喀防禦

九員

拉林防禦

五員

雙城堡防禦

二員

三姓防禦

八員

富克錦防禦

二員

琿春防禦

四員

額倅銀與

吉林防禦同

以上防禦額俸銀六千八百兩

堂主事額俸銀六十兩

庫主事額俸銀六十兩

以上主事額俸銀一百二十兩

吉林滿洲八旗驍騎校

四十員

每員額俸銀六十兩

蒙古旗驍騎校

八員

烏槍營驍騎校

八員

伊通驍騎校

四員

額穆赫索羅驍騎校

一員

校

四員

甯古塔驍騎校

十二員

伯都訥驍騎校

十二員

阿勒

十二員

楚喀驍騎校

八員

拉林驍騎校

八員

雙城堡驍騎校

八員

三

八員

姓驍騎校

十六員

富克錦驍騎校

四員

琿春驍騎校

八員

額

八員

俸銀與吉林滿洲八旗驍騎校同

以上驍騎校額俸銀八千九百四十兩

吉林城助教官

員二每員額俸銀四十兩

附助教官額
俸外每員膏

火錢二百四十吊委滿文教習六員每員膏火錢一
百八十吊內支原餉者二員每員膏火錢一百四十
四吊武教習四員每員膏火錢一百二十吊兩翼各
加柴薪錢二百吊白山書院漢教習一員膏火錢三
百六十吊漢委教習三員每員膏火錢一百八十吊
加柴薪錢二百吊蒙古官學教習一員膏火錢二百
四十吊加柴薪錢一百吊繙譯官學教習二員每員
津貼錢一千六百七十吊額定學生三十名每名給
錢七十二吊額外學生至十
名者共給錢三百六十吊

以上各教習學生膏火柴薪津
貼錢共九千四百六十八吊

烏拉滿教習額俸銀二十四兩甯古塔滿教習額俸

銀三十六兩委滿教習額俸銀二十四兩伯都訥滿
教習阿勒楚喀滿教習三姓滿教習琿春滿教習額
俸銀與甯古塔滿教習同

以上助教官滿漢教習委教習額俸銀三百八兩
凡助教官滿教習七品者額俸米四十五斛八斗八
品者額俸米四十斛由各處公倉內開支

吉林銀庫九品筆帖式二員每員額俸銀二十一兩一
錢一分四釐

吉林理刑九品筆帖式二員伯都訥銀庫九品筆帖式
阿勒楚喀銀庫九品筆帖式額俸銀與吉林銀庫九

品筆帖式同

吉林印務處四司主稿筆帖式十員額俸銀三十

六兩辦公銀共六百兩

甯古塔印務處主稿筆帖式二員額俸銀與吉林印務

處筆帖式同

阿勒楚喀印務處筆帖式二員每員額俸銀二十八兩

吉林承辦處筆帖式額俸銀三十六兩辦公銀二百

兩

甯古塔承辦處筆帖式額俸銀與吉林承辦處筆帖

式同

瑋春承辦處筆帖式額俸銀二十四兩

甯古塔左右司主稿筆帖式

員四

五常堡左右司主稿

筆帖式

員三

阿勒楚喀左右司主稿筆帖式

員四

拉林主

稿筆帖式

員二

三姓左右司主稿筆帖式

員四

瑋春左右

司主稿筆帖式

員四

額俸銀與甯古塔主稿筆帖式同

蒙古旗筆帖式額俸銀三十六兩

四邊門筆帖式

員四

雙城堡不開底缺筆帖式

員六

額俸

銀與蒙古旗筆帖式同

烏拉關防處筆帖式

員二

每員額俸銀二十四兩

雙城堡主稿筆帖式

員二

額俸銀與烏拉關防處筆帖

式同

以上銀庫理刑九品筆帖式印務處主稿筆帖式
承辦處筆帖式蒙古旗筆帖式邊門筆帖式關防
處筆帖式不開底缺筆帖式額俸銀一千七百零
六兩六錢八分四釐辦公銀八百兩

凡筆帖式七品者額俸米三十三斛八品者額俸米
二十八斛九品者額俸米二十一斛無品級者額俸
米三十斛二斗除琿春雙城堡照章折錢支領外均
由各城公倉內支領

吉林八旗領催二百三十七名每名額餉銀三十六兩

吉林蒙古旗領催四十名吉林烏槍營領催三十名烏拉

領催四名伊通領催十二名額穆赫索羅領催六名五常

堡領催十名甯古塔領催三十名伯都訥領催四名阿勒

楚喀領催三十名拉林領催三十名雙城堡領催二十名三

姓領催九十名富克錦領催二十名食半餉琿春領催十四

名額餉銀與吉林八旗領催同

五常堡副甲領催十二名每名額餉銀十八兩

以上領催額餉銀二萬七千二百十六兩內富克錦食半

餉

邊門領催四名每名額餉銀二十四兩

邊台領催

二十名

每名額餉銀十八兩

採樺皮嚮導領催額餉銀三十六兩

以上領催額餉銀六百三十六兩

吉林八旗前鋒

七十一名

每名額餉銀三十六兩

吉林蒙古旗前鋒

八名

甯古塔前鋒

八名

伯都訥前鋒

十三名

七名

阿勒楚喀前鋒

八名

拉林前鋒

八名

雙城堡前鋒

八十三名

姓前鋒

七十三名

琿春前鋒

七名

額俸銀與吉林八旗前鋒

同

以上前鋒額餉銀六千九百十二兩

吉林八旗披甲

二千二百八十三名

每名額餉銀二十四兩

吉林蒙古旗披甲三百四十八名 吉林烏槍營披甲五百六十九名

烏拉披甲六百五十一名 伊通披甲一百八十八名 額穆赫索羅披甲

甲一百一十四名 五常堡披甲四十四名 甯古塔披甲一千二百零七名

伯都訥披甲八百八十八名 阿勒楚喀披甲五百二十七名 拉林披

甲四百四十九名 雙城堡披甲二百七十五名 三姓披甲一千三百六十五名

富克錦披甲四百名 食半餉 琿春披甲五百六十名 額餉銀與吉

林八旗披甲同

五常堡副甲兵一百五十名 每名額餉銀十二兩共額餉

銀一千八百兩

以上披甲額餉銀二十三萬三千七百三十六兩

內富克錦披

甲食半餉

吉林採樵皮嚮導兵十五名 每名額餉銀二十四兩共

額餉銀三百六十兩

看守白山拜唐阿四名 每名額餉銀十二兩共額餉銀

四十八兩

吉林八旗匠役九十名 每名額餉銀十二兩

吉林蒙古旗匠役三名 吉林烏槍營匠役十六名 吉林水

師營匠役四十五名 烏拉匠役二十名 伯都訥匠役三十名 阿

勒楚喀匠役五名 拉林匠役五名 三姓匠役四十名 額餉銀

與吉林八旗匠役同

以上旗兵匠役額餉銀三千六百十二兩

吉林番役

二十名 每名額餉銀十二兩

五常堡番役

二名 甯古塔番役八名 伯都訥番役七名 阿勒

楚喀番役

一名 雙城堡番役五名 三姓番役八名 琿春番役

十二名 額餉銀與吉林番役同

以上番役額餉銀八百六十四兩

吉林件作

二名 每名額餉銀十二兩

甯古塔件作

二名 伯都訥件作二名 阿勒楚喀件作一名 拉

林件作

一名 雙城堡件作一名 三姓件作一名 琿春件作二名

額餉銀與吉林件作同

以上件作額餉銀共一百四十四兩

吉林學習件作名二每名額餉銀六兩

阿勒楚喀學習件作拉林學習件作雙城堡學習件
作三姓學習件作與吉林學習件作同

以上學習件作額餉銀三十六兩

吉林將軍衙門人役工食銀二百七十六兩

吉林副都統衙門人役工食銀一百十兩

甯古塔副都統衙門伯都訥副都統衙門阿勒楚喀

副都統衙門三姓副都統衙門琿春副都統衙門人

役工食銀與吉林副都統衙門同

以上將軍副都統衙門人役工食銀九百三十六

兩

水師營總管額俸銀一百三十兩

水師營四品官

員二

每員額俸銀一百零五兩

水師營五品官

員二

每員額俸銀八十兩

船務筆帖式額俸銀十八兩

水手領催

十二名

每名額餉銀十八兩

各站水手領催

十二名

每名額餉銀十八兩

水手

二百五十名

每名額餉銀十二兩

各站水手

二十名

伯都訥水手

五十名

阿勒楚喀水手

六名

拉林水手

十四名

額餉銀與水師營水手同

以上水師營俸餉銀五千一百二十六兩

總站官

二員每員額俸銀四十兩

東西路驛站關防筆帖式

二員每員額俸銀三十六兩

吉林管站筆帖式

二十員每員額俸銀三十六兩

甯古塔管站筆帖式

五員伯都訥管站筆帖式四員阿勒

楚喀管站筆帖式

四員三姓管站筆帖式五員琿春管站

筆帖式

三員額俸銀與吉林管站筆帖式同

拉林管站筆帖式額俸銀二十四兩

雙城堡不開底缺管站筆帖式額俸銀與拉林管站

筆帖式同

東西兩路站關防領催二名每名額餉銀二十四兩

各站管站領催四十名額餉銀同

附東西兩路站馬一千四百匹每馬草豆銀十八兩共

草豆銀二萬五千九百二十兩牛一千四百頭每牛草

豆銀十二兩共草豆銀一萬七千二百八十兩

以上總站官關防筆帖式管站筆帖式不開底缺

管站筆帖式額俸銀並站馬牛草豆銀共四萬六

千二百三十二兩

凡總站官七品者額俸米四十五斛八品者額俸米

四十斛各站筆帖式額俸米與前筆帖式有額俸米者同

吉林倉官額俸銀三十六兩

甯古塔倉官伯都訥倉官阿勒楚喀倉官拉林倉官

三姓倉官額俸銀與吉林倉官同

吉林倉筆帖式員二每員額俸銀三十六兩

甯古塔倉筆帖式員二伯都訥倉筆帖式員二阿勒楚喀

倉筆帖式員二三姓倉筆帖式員二額俸銀與吉林倉筆

帖式同

拉林倉筆帖式額俸銀二十四兩

雙城堡倉筆帖式額俸銀與拉林倉筆帖式同

吉林官莊領催

五名

每名額餉銀二十四兩

甯古塔官莊領催三姓官莊領催拉林官莊領催額餉銀與吉林官莊領催同

以上倉官倉筆帖式官莊領催額俸餉銀八百十六兩

凡倉官倉筆帖式額俸米每員均三十斛四斗

烏拉總管額俸銀一百三十兩養廉銀二百兩

由京都廣

借司銀

庫領取四品翼領

二員

每員額俸銀一百零五兩五品

翼領

四員

每員額俸銀八十兩驍騎校

十五員

每員額俸

銀六十兩筆帖式

七員內倉官
滿教習各一

七品額俸銀三十三

兩米三十三斛八品額俸銀二十八兩米二十八斛

無品級額餉銀十二兩米十二斛倉場委筆帖式

二員

每員額餉銀十二兩七品章京

四員

七品驍騎校

七員委

官

十四員

額俸銀均在領催珠軒達內支領

以上餉銀一千七百九十五兩內筆式七員以三

員每員三十三兩四員二十八兩核算

領催

二十四名

每名額餉銀三十六兩珠軒達

一百一十名每名

額餉銀二十四兩採蜜領催

三名

每名額餉銀二十四

兩官莊領催額餉銀二十四兩打牲丁

三十九百九十三名每

名額餉銀十三兩鋪副一百三十八名每名額餉銀十八兩

鐵匠二名每名額餉銀十八兩作額餉銀十八兩學

習作二名每名額餉銀十二兩弓匠額餉銀十二兩

以上領催珠軒達打牲丁鋪副弓鐵匠作額餉

銀五萬八千零八十三兩

順治十八年奏准打牲壯丁月給餉銀五錢由

盛京戶部支領

會典事例

康熙二十九年覆准上三旗採捕壯丁每十名置珠

軒頭目一名月給餉銀二兩壯丁月給餉銀一兩嗣

後下五旗採捕東珠貂皮鱈魚壯丁給發餉銀設

立珠軒頭目俱照上三旗之例

會典事例六
百八十三

乾隆十五年議准蜜戶內採濩丁三百名多將所得人濩竊與領信票之人以致欠缺濩額改令採捕東珠效力贖罪無庸一例給與珠丁錢糧將其所得東珠存記如果所得之珠一等者多再令該將軍奏請

賞給錢糧

同上

十七年奏准蜜戶內採濩丁改編十二珠軒捕得東珠一等者多應一例賞給錢糧珠軒頭目月給餉銀一兩五錢副頭目各一兩壯丁各五錢

同上

三十二年奉

旨打牲烏拉採捕東珠每月給發錢糧五錢伊等生齒日繁
生計不免拮据著加恩將每月食餉五錢者加倍添給銀
一兩內務府大臣議定除舊有每月食餉二兩之採珠軒
頭目及捕魚珠軒頭目九十三名毋庸添給外其餘食餉一
兩五錢之珠軒頭目十二名各添給五錢每月食餉二兩
食餉一兩之副頭目一百三十三名各添給五錢每月食
餉一兩五錢食餉五錢之壯丁二千五百五十一名各添
給五錢每月食餉一兩再無餉採蜜丁一百五十名改令
採捕東珠伊等應得餉銀俱照現加之例賞給所加銀兩
於盛京戶部存貯餘地租銀內動用上

同

烏拉總管以下各員無隨缺地畝總管養廉銀二百兩由都京廣儲司銀庫領取其餘各員道光二十八年奏准涼水泉荒地撥給烏拉協署六千晌總署一萬四千晌按年派員徵收大租錢八千四百吊作津

貼各員

冊

烏拉總管衙門弁丁餉銀歷年隨同俸銀約五六萬兩咨報兩京戶部內除每銀一兩加添錢一吊改折銀三錢三分由將軍衙門戶司按年折銀一萬八九千兩就近支領外其餘約銀三萬餘兩均由

盛京戶部領取

冊報

光緒七年將軍銘安奏查打牲烏拉共設打牲丁三千九百九十餘名每年專司採捕一切

貢差其各項需費均由俸餉備辦乾隆三十一年奏准每丁月領實銀一兩各項差費尙敷應用咸豐四年經部議定吉林官兵俸餉每兩實銀均折給制錢一千發放已形苦累咸豐十一年至光緒六年各省連年積欠俸餉銀共計三十三萬九千九百兩有奇該衙門官丁俸餉積至八年未放而頻年辦差經費率多藉資丁力困苦莫告查省城放餉定章每兩均照市錢三千發放而烏拉官丁同一當差亟宜照章加

給以昭公允前請新放荒地所收大租皆係就地興
利若由此項支發可以不動正款仰懇

恩准該處應發俸餉仿照省城定章每兩作為制錢三千
放給并由荒地大租項下每名每月各發放市錢一

千以恤丁力

摺檔

吉林分巡道額俸銀一百三十兩養廉銀三千兩實

領俸廉銀二千九百四十二兩二錢

按照六分辦公
減平核算

銀二千兩

自分巡道以下府廳州縣學佐俸廉數目
均據各屬冊報不註於逐條之下省文也

道署辦公銀兩光緒十四年借原本銀三萬發商一
分生息每年息銀三千六百兩以二千兩津貼道署

辦公以一千六百兩歸還原本

吉林府知府額俸銀一百零五兩養廉銀二千兩實

領俸廉銀一千九百七十八兩七錢辦公銀一千兩

長春府知府額俸銀一百零五兩養廉銀二千兩實

領俸廉銀九百五十四兩四錢零五釐

按照五成搭票五成現銀

內減扣二成並扣平六分核算凡伯都訥廳農安縣及學佐均仿此

伯都訥廳同知額俸銀八十兩養廉銀五百二十七

兩六錢實領銀二百七十七兩九錢七分四釐

賓州廳同知額俸銀八十兩養廉銀一千兩實領銀

一千零十五兩二錢辦公銀四百兩

五常廳同知俸廉辦公銀與賓州廳同

雙城廳通判額俸銀六十兩養廉銀八百兩實領俸廉銀八百零八兩四錢辦公銀二百兩

伊通州知州額俸銀八十兩養廉銀八百兩實領俸廉銀八百二十七兩二錢辦公銀二百兩

敦化縣知縣額俸銀四十五兩養廉銀八百兩實領俸廉銀七百九十四兩三錢辦公銀二百兩

農安縣知縣額俸銀四十五兩養廉銀八百兩實領銀三百八十三兩二錢六分五釐辦公銀二百兩

磨盤山州同額俸銀六十兩養廉銀三百兩實領銀

三百三十八兩四錢

以上道府同通州縣州同額俸養廉銀一萬三千

八百九十七兩六錢實領銀一萬一千三百三十

五兩二錢四分四釐辦公銀四千六百兩

此項銀兩按年

由徵收斗稅項下開支年終造冊題銷

共銀一萬五千九百三十五兩二錢四分四釐

吉林府教授額俸銀四十五兩實領銀四十二兩三

錢

長春府教授額俸銀四十五兩實領銀二十二兩五

錢四分五釐

伯都訥廳訓導額俸銀四十兩實領銀二十兩零零

四分

照章折扣

賓州廳教諭額俸銀四十兩實領銀三十七兩六錢
五常廳教諭雙城廳訓導伊通州訓導敦化縣訓導
額俸銀與賓州廳教諭同

農安縣訓導額俸銀四十兩實領銀二十兩零零四

分

照章折扣

以上教授教諭訓導額俸銀三百七十兩實領銀

二百九十二兩九錢三分五釐

此項銀兩按年由徵收斗稅項下開

支年終造

冊題銷

吉林府經歷額俸銀四十兩養廉銀一百二十兩實
領銀一百五十兩零四錢

長春府經歷額俸銀四十兩養廉銀一百二十兩實
領銀八十兩零五錢二分

五常廳山河屯經歷養廉俸銀與吉林府經歷同

伯都訥廳巡檢額俸銀三十一兩五錢二分養廉銀
三十一兩五錢二分實領銀十五兩七錢九分一釐
孤榆樹巡檢俸廉銀與伯都訥廳巡檢同

賓州廳巡檢額俸銀三十一兩五錢二分養廉銀七
十一兩五錢二分實領銀九十六兩八錢五分七釐

賓州廳燒鍋甸巡檢五常廳巡檢五常廳蘭彩橋巡
檢雙城廳拉林巡檢敦化縣巡檢伊通州吏目俸廉
銀與賓州廳巡檢同

朱家城照磨俸銀三十一兩五錢二分養廉銀七十
一兩五錢二分

以上經歷巡檢吏目照磨俸廉銀一千四百三十

兩零四錢

此項銀兩按年由徵收斗稅
項下開支年終造冊題銷

吉林分巡道衙門門阜馬快轎繳扇夫各役三十九名

食銀二百六十一兩六錢實領銀二百四十五兩九

錢遇閏二百八十三兩四錢實領銀二百六十六兩

三錢九分六釐

吉林府衙門門阜壯役馬快轎繖扇夫各役

六十二名

食銀四百五十八兩四錢實領銀四百三十兩零八

錢九分六釐遇閏四百九十六兩六錢實領銀四百

六十六兩八錢零四釐

長春府衙門門阜壯役馬快轎繖扇夫各役

六十二名

食銀四百五十八兩實領銀二百五十八兩五錢三

分七釐遇閏不增

伯都訥廳門阜壯役馬快捕役轎繖各役

六十四名工食

銀四百二十七兩二錢實領銀二百四十兩零九錢

四分遇閏不增

賓州廳門阜壯役馬快轎織扇夫各役

六十名

工食銀

四百四十六兩四錢實領銀四百十九兩六錢一分
六釐遇閏四百八十三兩六錢實領銀四百五十四
兩五錢八分四釐

五常廳雙城廳伊通州敦化縣門阜壯役馬快轎織
扇夫各役工食銀與賓州廳同

農安縣門阜壯役馬快轎織扇夫各役

六十名

工食銀

四百四十六兩四錢實領銀二百五十一兩七錢六
分九釐遇閏不增

伊通州磨盤山州同門阜各役二十名工食銀一百五

十六兩實領銀一百四十六兩六錢四分遇閏一百

六十九兩實領銀一百五十八兩八錢八分

以上道府廳州縣州同各門阜壯役馬快驛繳扇

夫各役工食銀四千四百三十九兩六錢實領銀

三千六百七十二兩七錢六分二釐遇閏三千三

百六十七兩實領銀三千一百六十五兩此項銀兩按年

由徵收斗稅項下開
支年終造冊題銷

吉林府學齋夫門子各役十名工食銀六十兩零六錢

六分七釐實領銀五十七兩零二分七釐遇閏六十

五兩七錢二分七釐實領銀六十一兩七錢七分四

釐

長春府學齋夫門子各役名十工食銀六十兩零六錢

六分七釐實領銀三十四兩二錢一分六釐遇閏不

增

伯都訥廳學齋夫門子各役工食銀與長春府學同

賓州廳學齋夫門子各役名十工食銀六十兩零六錢

六分七釐實領銀五十六兩三錢六分

五常廳學雙城廳學伊通州學敦化縣學齋夫門子

各役工食銀與賓州廳學同

農安縣學齋夫門子各役十名工食銀六十兩零六錢

六分七釐實領銀三十四兩二錢一分六釐

以上府廳州縣學齋夫門子各役工食銀五百四

十六兩零零三釐實領銀四百四十一兩四錢七

分五釐

此項銀兩按年由徵收斗稅項下開支年終造冊題銷

吉林府經歷門阜壯役二十四名工食銀一百六十五兩

六錢實領銀一百五十五兩六錢六分四釐遇閏一

百六十九兩實領銀一百五十八兩八錢六分

五常廳山河屯經歷門阜壯役工食銀與吉林府經

歷同

長春府經歷門阜壯役二十名工食銀一百六十五兩

六錢實領銀九十三兩三錢九分八釐遇閏不增

伯都訥廳巡檢門阜各役六名工食銀三十六兩實領

銀二十兩零三錢零四釐遇閏不增

孤榆樹巡檢門阜各役工食銀與伯都訥巡檢同

賓州廳巡檢門阜各役十名工食銀六十兩實領銀五

十六兩四錢遇閏不增

燒鍋甸巡檢五常廳巡檢蘭彩橋巡檢雙城廳巡檢

拉林巡檢敦化縣巡檢門阜各役工食銀與賓州廳

巡檢門阜各役同

農安縣巡檢門皂各役六名工食銀六十兩實領銀三

十三兩八錢四分

伊通州吏目門皂各役十一名工食銀六十兩實領銀五

十六兩四錢遇閏六十五兩實領銀六十一兩一錢

朱家城照磨門皂各役二十二人工食銀一百三十二兩

以上經歷巡檢吏目照磨門皂各役工食銀一千

三百八十一兩二錢此項銀兩按年由徵收斗稅項下開支年終造冊題銷

賓州廳捕盜營外委額餉銀一百四十四兩實領銀

一百三十五兩三錢六分遇閏加增

五常廳雙城廳伊通州敦化縣磨盤山州同捕盜營

外委餉銀與賓州廳捕盜營外委餉銀同

賓州廳捕盜營步勇

五十名每名餉銀四十八兩

額餉銀二千四

百兩實領銀二千二百五十六兩遇閏加增

五常廳雙城廳伊通州敦化縣磨盤山州同捕盜營

步勇額餉銀與賓州捕盜營步勇額餉銀同

以上捕盜營外委步勇額餉銀一萬五千二百六

十四兩實領銀一萬四千三百四十八兩一錢六

分遇閏加增

此項銀兩按年由徵收牙稅項下開支年終造冊題銷

凡旗幟號衣紮巾等每捕盜營給銀三十九兩九錢

八分五釐

照章一年半給發一次

共二百三十九兩九錢一分

實領銀二百二十五兩五錢一分五釐四毫

此項銀兩屆時

由徵收斗稅項下開支年終造冊題銷

共銀二萬一千二百八十四兩六錢七分五釐四毫

文職養廉銀吉林八百五十九兩有奇

會典十一

駐防養廉銀吉林五千兩

同上

駐防兵丁紅白事功銀吉林一萬四千六百一十一兩

同上

駐防俸餉額數吉林三十七萬二千七百七十三兩

有奇

同上

額支官俸役食銀吉林一千五十兩有奇

同上

按以上會典所載養廉銀事例銀餉銀官俸役食銀皆嘉慶以前定制與現在數目不同甄采之以備考核

東三省將軍副都統城守尉所管各庫歲貯京城及盛京移解官兵俸餉銀同上

乾隆三十三年遵

旨議定八旗紅白賞銀內吉林甯古塔琿春伯都訥三姓拉

林阿勒楚喀等駐防兵丁以旗民餘地租銀充賞會典

事例二
百六

三十四年議准駐防官兵遇有官差及勢不得已之

事各准請借官項免其起息其備借銀數吉林定以

三萬四千兩

會典事例一百五十四

四十三年議准

盛京每年委員赴部請領東三省俸餉銀一百二三十

萬兩令協領同副關防攜帶該處平法赴部兌領

四十四年奏准

盛京戶部每年請領東三省俸餉於八月內派員赴京

請領九月十五日以前到京十二月初十日以前運

到儻有遲逾者參處

盛京銀庫於十二月內給發吉林黑龍江二省俸餉至

打牲烏拉地方俸餉銀四萬餘兩一併歸於吉林省

俸餉銀內領回貯庫分季給發

會典事例二百四

吉林各屬雜稅等項由將軍衙門徵收卽抵充各該

處俸餉

同上

吉林將軍庫甯古塔副都統庫吉林副都統庫伯都

訥副都統庫三姓副都統庫拉林副都統庫

乾隆三十四年

裁阿勒楚喀副都統庫各貯該處官兵俸餉及雜稅

官莊糶賣糧食按年造冊申報查核

盛京戶部銀庫貯金銀供東三省官兵俸餉各項賞賜

之用

嘉慶元年議准在京八旗人員補放黑龍江吉林等

慮官員不論品級各給路費銀五十兩

會典事例
二百七

五年議准郭爾羅斯地方新設理事通判巡檢等官

歲需俸廉等銀於吉林地丁項下開支

會典事例
二百二

六年議准東三省原食半俸旗員因老病告休其會

經出征打仗應行請儀人員如例應請給全俸者准

給原食半俸應請給全俸者給原食半俸之半應請

給半俸之半者再減一半其原係無俸之員雖經出

征打仗祇以原品休致毋庸給與俸祿

會典事例
二百七

咸豐四年七月將軍景濤奏吉林俸餉及雜支等款

每年約需銀三十二萬餘兩除抵本省徵收地丁等銀及各項地租燒商票錢外不敷之銀向由京都撥領本年請領俸餉等銀迄今分釐未到春季俸餉以徵存各項錢文並倉穀抵放至秋季應需餉銀十二萬三千餘兩內除陳底制錢作銀二千九兩零仍應照舊搭放實需銀十二萬九百九十餘兩今遵部議每銀一兩按制錢二千抵放秋季應需制錢二十四萬一千九百八十餘千約合銀八萬八千餘兩省中時價每兩銀易制錢二千七八百文秋季計可撐出銀三萬餘兩再查本省每年應徵地丁及燒鍋票等

銀十三萬餘兩內有搭收官票銀四萬兩不計仍徵現銀九萬餘兩擬自今秋兵餉一律折錢內城照省價提銀易錢外城難以運錢卽照內城時價核錢給銀又官員俸廉及雜支款項約需銀五萬四千二百餘兩亦請今秋起除五成官票銀外餘均照制錢二午折放所動銀款應按市平兌換吉林省庫存銀有庫平市平之不同如庫平千兩出放應餘平銀二十三兩三錢一分仍歸正款開銷如此變通籌辦吉林統年應放俸廉兵餉及雜支一切並代請打牲烏拉俸餉共需銀三十七萬餘兩以現時銀價論之每年

計可搏出十萬餘兩如將來銀價低落不及制錢二千之數卽隨時奏明改歸放銀舊制

摺冊

同治十二年將軍奕榕奏言查吉省歲需俸餉等項銀兩除徵收各項銀錢抵充外其不敷銀兩全賴各省撥款隨時起解以資散放自咸豐甲寅至同治辛未各年欠節年部撥俸餉等銀五十五萬六千餘兩現無一處批解到奉連年積欠不惟商墊難償而兵丁待餉尤急叩乞

天恩飭下山東河南等省刻將前撥未解吉林俸餉等銀

星速報解以資接濟

摺冊

光緒十二年八月奏准由練軍馬隊內抽撥馬隊一起二百五十名歸入吉字營操練隨帶每月原餉銀一千九百四十三兩按月由練軍餉內提送吉字營

摺稿

十年二月將軍希元奏伯都訥城俸餉於道光十一年奏准由伯都訥新城局號荒大租項下按市錢二千五百文折銀一兩搭放相沿至今近年差務日重餉項不敷支用每兵一年餉項所餘不過錢三十千隨缺地十六晌僅得租錢八千津貼不敷膺差之用擬請照通省章程每兩按市錢三千文核發以紓兵

困摺

十七年九月將軍長順奏三姓拉林二處一切差費並無正項開銷皆由俸餉籌攤近來各差倍增於昔以有數之俸餉攤無窮之徭役官兵受累實深查甯古塔琿春伯都訥阿勒楚喀等處副都統衙門先後添給發商本銀各一萬兩所得息銀津貼差費按年將收支銀數造冊報部核銷在案三姓地處極邊拉林適當孔道每年差費繁重官兵困苦情形正復相同擬乞援照發商生息本銀之案由省城庫存俸餉款內提給三姓本銀一萬兩拉林本銀六千兩各存

本處殷實鋪商互保結領按月一分生息每年所得
利息三姓以七百兩津貼需費五百兩歸還原本拉
林以四百二十兩支發差費以三百兩歸還原本均
俟原本歸足仍將本銀照舊生息作為津貼

摺

練軍營餉數

全營翼長二員每員薪水銀九百六十兩心紅銀一百
九十二兩共銀二千三百零四兩

文案翼長薪水銀五百五十二兩心紅銀一百九十
二兩

以上翼長薪水心紅銀三千零四十二兩

發審局總理薪水銀五百五十二兩心紅銀一百九

十二兩

糧餉處總理薪水銀三百三十六兩心紅銀一百九

十二兩

以上發審局糧餉處總理薪水銀一千二百七十

二兩

文案委員薪水銀二百七十六兩

文案辦事官

七員

每員薪水銀一百五十六兩共銀一

千零九十二兩

以上委員辦事官薪水銀一千三百六十八兩

發審局會辦薪水銀二百七十六兩委員三員每員二

百七十六兩辦事官薪水銀一百五十六兩

糧餉處本省委員四員每員津貼銀九十六兩共銀三

百八十四兩

以上會辦委員辦事官本省委員薪水津貼銀一

千六百四十四兩

全營翼長書手六名每名薪水銀八十四兩共銀五百

零四兩

文案處書手三名營務處書手四名糧餉處書手十八名發

審局書手七名薪水銀均與全營翼長書手同

以上書手薪水銀三千一百九十二兩

全營翼長貼寫六名每名津貼銀四十八兩

文案處貼寫六名營務處貼寫四名糧餉處貼寫一名發審

局貼寫十五名津貼銀與全營翼長貼寫同

以上貼寫津貼銀一千五百三十六兩

吉林城馬隊統領二員每員鹽糧銀五百五十二兩心

紅銀四十八兩

伯都訥城馬隊統領一員三姓城馬步隊統領一員驍勇

營統領一員鹽糧心紅銀與吉林城馬隊統領同

以上統領鹽糧銀二千七百六十兩心紅銀二百

四十兩

吉林城馬隊委營總員六每員鹽糧銀三百兩心紅銀

二十四兩

吉林洋槍隊委營總員二甯古塔步隊委營總員一伯都

訥馬隊委營總員一三姓馬步隊委營總員二阿勒楚喀

馬隊委營總員一鹽糧心紅銀與吉林城委營總同

以上委營總鹽糧銀三千九百兩心紅銀三百十

二兩

吉林城馬隊委參領二十每員鹽糧銀二百二十八

兩

吉林城擡槍隊委參領員一吉林城洋槍隊委參領員二

烏拉馬隊委參領員二伊通馬隊委參領員二額穆赫索

羅馬隊委參領員一五常堡馬隊委參領員一雙城堡馬

隊委參領員二甯古塔步隊委參領員四伯都訥城馬隊

委參領員三三姓城馬步隊委參領員七阿勒楚喀馬隊

委參領員二拉林馬隊委參領員二鹽糧銀與吉林城馬

隊委參領同

以上委參領鹽糧銀一萬二千七百六十八兩

吉林城馬隊委防禦員二十每員一百五十六兩

吉林城擡槍隊委防禦員一洋槍隊委防禦員四烏拉馬

隊委防禦

員二

伊通馬隊委防禦

員二

額穆赫索羅馬隊

委防禦

員一

五常堡馬隊委防禦

員一

雙城堡馬隊委防

禦

員二

甯古塔步隊委防禦

員四

伯都訥馬隊委防禦

員三

三姓城馬步隊委防禦

員七

阿勒楚喀馬隊委防禦

員二

拉林馬隊委防禦

員二

鹽糧銀與吉林城馬隊委防禦

同

以上委防禦鹽糧銀九千三百六十兩

吉林城馬隊委驍騎校

員二十

每員鹽糧銀一百三十

二兩

吉林城擡槍隊委驍騎校

員一

洋槍隊委驍騎校

員四

烏

拉馬隊委驍騎校員二伊通馬隊委驍騎校員二額穆赫

索羅馬隊委驍騎校員一五常堡馬隊委驍騎校員一甯

古塔步隊委驍騎校員四伯都訥馬隊委驍騎校員三

姓馬步隊委驍騎校員七阿勒楚喀城馬隊委驍騎校

員二拉林城馬隊委驍騎校員二鹽糧銀與吉林城馬隊

委驍騎校同

以上委驍騎校鹽糧銀七千六百五十六兩

吉林城馬隊委筆帖式員二十每員鹽糧銀一百二十

兩

吉林城洋槍隊委筆帖式員二甯古塔步隊委筆帖式

員二伯都訥城馬隊委筆帖式員三三姓城馬步隊委筆

帖式員六阿勒楚喀城馬隊委筆帖式員一鹽糧銀與吉

林城馬隊委筆帖式同

以上委筆帖式鹽糧銀四千零八十兩

吉林城馬隊委官員九每員鹽糧銀一百二十兩

吉林城擡槍隊委官員一洋槍隊委官員四烏拉馬隊委

官員二伊通馬隊委官員二額穆赫索羅馬隊委官員五

常堡馬隊委官員一甯古塔城步隊委官員四伯都訥城

馬隊委官員三三姓城馬步隊委官員七阿勒楚喀城馬

隊委官員二拉林城馬隊委官員二雙城堡馬隊委官員二

鹽糧銀與吉林城馬隊委官同

以上委官鹽糧銀七千二百兩

吉勝營管帶官薪水銀二百七十六兩心紅銀一百零八兩

吉勝營辦事官薪水銀驍勇營辦事官薪水銀均一百五十六兩

驍勇營營官二員每員鹽乾銀一百九十二兩心紅銀四十八兩共銀四百八十兩

以上管帶官辦事官營官薪水鹽糧心紅銀一千一百七十六兩

吉勝營隊官

員五

每員薪水銀一百四十四兩書手

三

每名餉銀八十四兩

驍勇營隊官

員十二

每員鹽乾銀一百四十四兩書手

六每名餉銀八十四兩

以上隊官書手薪水銀鹽乾餉銀三千二百零四

兩

吉林城馬隊兵

一千二百八十五名

每名鹽糧銀八十四兩共

銀十萬零七千九百四十兩

吉勝營什長

名十五

每名鹽糧銀一百十五兩六錢八

分共銀一千七百三十五兩二錢馬勇

名五十

每名鹽

糧銀八十四兩共銀四千二百兩步勇九十名每名口

糧銀五十一兩六錢共銀四千六百四十四兩長夫

十五名每名口糧銀三十六兩共銀五百四十兩

驍勇營什長三十名每名口糧銀一百十五兩二錢共

銀三千四百五十六兩步勇二百八十名每名口糧銀五

十一兩六錢共銀一萬四千四百四十八兩長夫三十名

每名口糧銀三十六兩共銀一千零八十兩

以上吉林城馬隊兵吉勝營驍勇營什長馬步勇

長夫鹽糧銀十三萬八千零四十三兩二錢

烏拉馬隊兵

八十八名每名鹽糧銀八十四兩共銀七千

三百九十二兩伊通馬隊兵七十名額穆赫索羅馬隊

兵四十名五常堡馬隊兵六十名甯古塔城步隊兵七十名

每名五十一兩六錢伯都訥城馬隊兵一百三十三名

姓城馬步隊兵一百一十一名阿勒楚喀城馬隊兵一百零五名

拉林城馬隊兵七十名雙城堡馬隊兵七十名鹽糧銀與

吉林城馬隊兵同

以上吉林各外城馬步隊兵鹽糧銀七萬六千七

百零六兩

共二十七萬九千四百六十五兩二錢

初設練軍原定統領歲支鹽糧銀九十六兩每委營

總六十兩每委參領四十八兩每委官馬兵均三十
六兩每銀一兩折市錢二千五百文十三年每銀一
兩改發市錢三吊光緒元年委官馬兵每員名歲加
銀十二兩仍折錢放三年定統領歲支銀二百七十
六兩心紅銀四十八兩每委營總一百九十二兩心
紅銀二十四兩每委參領一百四十四兩每委防禦
一百八兩每委驍騎校委筆帖式均九十六兩每馬
兵如委驍騎校數是年停折錢發銀又光緒元年二
年先後續增之練隊馬隊官兵制如前步兵原定每
名歲餉銀三十六兩三年改爲四十八兩客隊當由

甘肅軍餉內開支二年奏准由吉林軍餉開銷其餉數優於本省練隊三年改隸吉林城練隊餉照委營總以下各官弁兵章程支放七年改如今鹽糧銀支

數

據檔冊

初設洋槍步隊原定委參領歲支銀六十兩心紅銀十二兩步兵三十六兩嗣增統領各員定統領歲支銀五百五十二兩心紅銀四十八兩號令官二百十六兩分教官九十六兩委營總六十兩心紅銀二十四兩營官帶隊官督隊官均三十六兩號令官以下各官均加馬乾銀三十三兩六錢步兵三十六兩四

年裁統領以下各員僅留營總改設委參領以下各員餉如練隊章程支放同上

初設擡槍步隊原定委營總歲支市錢二百十六吊步兵三十六吊由商息項下開支光緒三年改設委參領以下各員餉如練隊章程由練餉項下開銷同上

練軍餉銀光緒元年奏准每年江甯協撥餉銀十二萬兩山東河南安徽各協撥餉銀六萬兩共協撥吉林餉銀三十萬兩原定各省委解

盛京部庫按時派員赴領嗣因各省不能按時解到積欠過多三年奏准部庫墊發七年部議江甯山東河

南安徽四省協餉全行解部還款並將江甯協餉每年改爲十萬兩常年應領協餉銀二十八萬兩由部

庫墊發

檔冊

光緒三年八月將軍銘安奏吉省練軍馬兵每名月領餉乾銀四兩步兵每名月領鹽糧銀三兩現在物價昂貴斷難敷用查奉省馬兵一名月領餉銀七兩零駐吉黑龍江之馬隊每名月餉亦係七兩同一練兵餉項獨絀相形未免向隅擬請仿照各省練軍章程馬兵餉乾每名月加三兩作爲七兩步兵鹽糧每名月加一兩作爲四兩如蒙

俞允卽由本年八月分起支作爲定章

冊

靖邊軍餉數

督辦邊防事宜公費銀四千八百兩幫辦邊防事宜

公費銀四千八百兩共公費銀九千六百兩

自督辦以下公

費薪水餉銀數目均據光緒十九年邊防糧餉處移文不註於逐條之下省文也

邊務文案總理員一薪水銀六百兩心紅銀一百九十

二兩

邊務糧餉總理邊防營務總理員各一每員薪水心紅

銀與文案總理同

以上邊務文案糧餉營務各總理薪水心紅銀共

二千三百七十六兩

幫辦行營文案總理薪水銀三百六十兩心紅銀一百九十二兩又營務總理薪水銀三百六十兩心紅銀一百九十二兩共薪水心紅銀一千一百零四兩邊務文案會辦薪水銀三百六十兩邊防營務會辦薪水銀三百六十兩共薪水銀七百二十兩

邊務文案隨同辦事委員二員每員薪水銀二百五十六兩

邊務糧餉隨同辦事委員二員幫辦行營文案隨同辦

事委員二員又營務隨同辦事委員一員薪水銀與糧餉

辦事委員同

以上各辦事委員共薪水銀一千七百九十二兩

邊務文案差遣委員二員每員薪水銀二百十六兩

邊務糧餉差遣委員二員邊防營務差遣委員四員幫辦

行營文案差遣委員二員又營務差遣委員二員薪水銀

與邊務文案差遣委員同

以上各差遣委員薪水銀二千五百九十二兩

邊務文案辦事官二員每員薪水銀一百八十兩

邊務糧餉辦事官二員邊防營務辦事官四員幫辦行營

文案辦事官二員又營務處辦事官三員薪水銀與邊務

文案辦事官同

以上各辦事官薪水銀二千三百四十兩

邊務文案委員

二員

每員薪水銀一百四十四兩

邊務糧餉委員

二員

邊防營務委員

七員

邊防承辦處

員

二員

幫辦行營文案委員

二員

又營務委員

二員

薪水銀

與邊務文案委員同

以上各委員薪水銀二千四百四十八兩

邊務文案書識

十八名

每名薪水銀八十四兩

邊務糧餉書識

十五名

邊防營務書識

十四名

邊務承辦

處書識

二名

幫辦行營文案書識

十六名

又營務書識

十四名

名
薪水銀與邊務文案書識同

以上各書識薪水銀共六千六百三十六兩

幫辦行營俄語通事又朝語通事

各一員

薪水銀各一

百九十六兩共薪水銀三百九十二兩

琿春俄文書院洋教習薪水銀七百二十兩又醫官
薪水銀一百五十六兩又醫生薪水銀一百二十兩
共薪水銀九百九十六兩

以上通事洋教習醫官醫生薪水銀一千三百八
十八兩

統領

兼管官六員

每員薪水銀六百兩共薪水銀三千六

百兩每員公費銀一千六百四十兩又兼營官公費
銀一千二百兩共薪水公費銀二萬零六百四十兩
馬隊營官員五每員薪水銀六百兩公費馬乾銀一千
一百零四兩共薪水公費馬乾銀八千五百二十兩
步隊營官員五每員薪水銀六百兩又公費銀一千二
百兩共薪水公費銀九千兩

以上統領營官薪水公費馬乾銀共三萬八千一
百六十兩

統領隨同辦事官員六每員薪水銀二百七十六兩共
薪水銀一千六百五十六兩

統領差遣委員六員每員薪水銀二百十六兩共薪水

銀一千二百九十六兩

步隊辦事官十一員每員薪水銀一百八十兩共薪水

銀一千九百八十兩

步隊哨官五十員每員薪水銀二百十六兩共薪水銀

一萬一千八百八十兩

馬隊幫帶官十員每員薪水銀一百二十兩馬乾銀七

十二兩共薪水馬乾銀一千九百二十兩

步隊哨官五十員每員薪水銀一百四十四兩共薪水

銀七千九百二十兩

馬隊哨官

員二十

每員薪水銀一百四十四兩共薪水

銀二千八百八十兩

馬隊督隊官

員二十

每員薪水銀一百零八兩共薪水

銀二千一百六十兩

馬隊三哨哨官

員三十

每員薪水銀一百四十四兩共薪

水銀四百三十二兩

督隊官

員三十

每員薪水銀一百零六兩共薪水銀三百

十八兩

以上統領隨同辦事官又差遣委員馬步隊辦事官哨官幫帶官督隊官薪水馬乾銀共三萬二千

四百四十二兩

馬隊營字識五名每名薪水銀七十二兩馬乾銀三十

六兩

步隊營字識十一名每名薪水銀一百零八兩

以上馬步隊字識薪水馬乾銀一千七百二十八兩

步隊什長五百五十名每名餉銀五十四兩共餉銀二萬

九千七百兩

步隊正兵四千九百五十名每名餉銀四十八兩共餉銀二

十三萬七千六百兩

步隊伙夫長夫搬運長夫一千二百一十名每名工食銀三十

六兩共工食銀四萬三千五百六十兩

馬隊什長一百二十五名每名餉乾銀九十兩共餉乾銀一

萬一千二百五十兩

馬隊正兵一千零二十五名每名餉乾銀八十四兩共餉乾

銀八萬六千一百兩

馬隊三哨什長十五名每名餉乾銀九十兩共餉乾銀

一千三百五十兩

馬隊三哨正兵一百二十名每名餉乾銀八十四兩共餉

乾銀一萬零零八十兩

馬隊三哨伙夫馬夫搬運長夫三十名每名工食銀三

十六兩共餉乾銀一千四百零四兩

以上馬步隊十六營三哨什長正兵伙夫長夫搬
運長夫餉乾銀共四十二萬一千零四十四兩

松花江水師總哨官薪水銀三百六十兩公費銀三
百六十兩共薪水公費銀七百二十兩

辦事官薪水銀一百八十兩哨官二員每員薪水銀一
百九十二兩雜費銀七十二兩共薪水雜費銀七百

零八兩

船長九員每員薪水銀一百二十兩雜費銀三十六兩

字識薪水銀一百零八兩共薪水雜費銀一千四百四十兩

號令二名每名餉銀五十四兩舵工十二名每名餉銀五

十七兩六錢頭工十二名每名餉銀五十四兩礮勇十三

名每名餉銀五十一兩零四錢槳勇一百零八名每名餉

銀四十三兩二錢共餉銀七千六百二十四兩八錢

以上松花江水師總哨官辦事官船長字識號令

舵工頭工礮勇槳勇薪水公費雜費餉銀一萬零

四百九十二兩八錢

圖們江水師領哨薪水銀二百四十兩公費銀一百

二十兩共薪水公費銀三百六十兩

船長二每員薪水銀一百二十兩雜費銀三十六兩

字識薪水銀一百零八兩共薪水雜費銀四百二十

兩

號令二每名餉銀五十四兩舵工三每名餉銀五十

七兩六錢頭工三每名餉銀五十四兩礮勇八每名

餉銀五十兩零四錢槳勇二十每名餉銀四十三兩

二錢共餉銀二千零五十三兩八錢

以上圖們江水師領哨船長號令舵工頭工礮勇

槳勇薪水公費雜費餉銀二千八百三十三兩八

錢

三岔口招墾局總理薪水銀四百八十兩心紅銀九十六兩又委員薪水銀二百七十六兩琿春招墾總局薪水銀四百八十兩心紅銀一百九十二兩又委員薪水銀二百十六兩共薪水心紅銀一千七百四十兩

穆稜河招墾分局委員薪水銀一百五十六兩心紅銀四十八兩五道溝招墾分局委員南岡招墾分局委員薪水心紅銀與穆稜河分局委員同

以上招墾分局各委員薪水心紅銀六百七十二兩

三岔口招墾局司事_二每員薪水銀一百二十兩又

屯總員_五每員薪水銀一百四十四兩共薪水銀九百

六十兩

三岔口招墾局書識_三每名薪水銀八十四兩

三岔口招墾局通事穆校河招墾分局書識琿春招

墾局書識_四五道溝招墾分局書識南岡招墾分局

書識薪水銀與三岔口招墾局書識同

以上書識通事薪水銀共六百七十二兩

三岔口招墾局獵戶_{四十}每名工食銀四十八兩共

工食銀一千九百二十兩

三岔口招墾局夫役十一名 每名工食銀三十六兩

穆稜河招墾分局夫役二名 瑋春招墾局夫役五名 五道

溝招墾分局夫役二名 南岡招墾分局夫役二名 工食銀

與三岔口招墾局夫役同

以上夫役工食銀共七百九十二兩

共銀五十四萬二千八百二十四零六錢

附機器局經費

製造軍火經費原定每年部庫撥銀十萬兩光緒十年分撥北洋行營製造局銀二萬兩嗣又裁表正書院銀二千五百兩吉林實領銀七萬七千餘兩十三

年以經費不敷經部議准分撥北洋行營銀二萬兩
仍行劃還吉林自是按年應領銀九萬七千餘兩是
年黑龍江練軍應需洋藥等項部議卽由吉林製造
經費內勻挪動用今據十八年冊報按年局費員弁
薪工開支銀四萬七千九百餘兩購辦物料開支銀
四萬餘兩而以餘銀代黑龍江練軍製造軍火之用
年終覈實奏銷吉齊兩軍軍火應需銀一萬八千八
百餘兩按年由海軍衙門發給而黑龍江鎮邊軍軍
火亦由吉林製造歲定銀三萬兩爲則

機器局經費每年部庫撥銀十萬兩

以上本局開支代製黑龍江練軍軍火製造吉字齊
字兩營軍火黑龍江鎮邊軍火共銀十四萬七千餘
兩

吉字練軍餉數

總統薪水銀一千四百四十兩馬乾銀二百八十八
兩公費銀二千四百兩

幫統薪水銀一千二百兩馬乾銀二百八十八兩

左右翼統領

二員每員
兼營官一

每員統領公費銀一千六百

八十兩營官薪水銀六百兩公費銀九百六十兩共
薪水公費辦公銀六千四百八十兩隨同辦事委員

員二每員薪水銀二百七十六兩共薪水銀五百五十二兩

營務總辦薪水銀四百八十兩會辦薪水銀三百六十兩委員二每員薪水銀一百五十六兩

文案總辦會辦薪水銀與營務總辦會辦同又委員三每員薪水銀二百十六兩

糧餉總理薪水銀三百六十兩

軍械委員薪水銀二百七十六兩

稽查委員薪水銀與軍械委員同

差遣委員二每員薪水銀二百十六兩共薪水銀四

百三十二兩

辦事官四員每員薪水銀一百八十兩共薪水銀七百

二十兩

馬隊四營營官四員每員薪水銀六百兩公費銀九百

六十兩馬乾銀一百四十四兩共薪水公費馬乾銀

六千六百十六兩

幫帶官四員每員薪水銀一百二十兩馬乾銀七十二

兩共薪水馬乾銀七百六十八兩

字識四名每名薪水馬乾銀一百零八兩共薪水馬乾

銀四百三十二兩

總令官薪水津貼銀二百七十六兩馬乾銀三十六

兩

令官

二員

每員薪水銀二百十六兩馬乾銀三十六兩

共薪水馬乾銀五百零四兩

教習

六名

每名薪水銀一百九十二兩馬乾銀三十六

兩共薪水馬乾銀四百五十六兩

哨官

二十員

每員薪水銀一百四十四兩馬乾銀七十

二兩共薪水馬乾銀四千三百二十兩

督隊官

二十員

每員薪水銀一百零八兩馬乾銀三十

六兩共薪水馬乾銀二千八百八十兩

以上不扣建

什長一百名每名口糧馬乾銀九十兩共口糧馬乾銀

九千兩

正兵九百名每名口糧馬乾銀八十四兩共口糧馬乾

銀七萬五千六百兩

以上扣建

步隊八營營官八員內營官二統領兼每員薪水銀六百兩辦

公銀九百六十兩共薪水辦公銀九千三百六十兩

內除營官二員薪水公費詳前

辦事官八員每員薪水銀一百八十兩共薪水銀一千

四百四十兩

字識八名每名薪水銀一百零八兩共薪水銀八百六

十四兩

令官七員每員薪水銀二百十六兩共薪水銀一千五

百十二兩

教習十四名每名薪水銀一百九十二兩共薪水銀二

千六百八十八兩

哨官四十員每員薪水銀二百十六兩共八千六百四

十兩

哨長四十員每員薪水銀一百四十四兩共五千七百

六十兩以上不
扣建

什長二百名每名口糧銀五十四兩共一萬八百兩

正兵

一千八百名

每名口糧銀四十八兩共八萬六千四

百兩

以上扣建

以上吉字練軍營餉共二十四萬四千一百四十兩

以上自將軍起至練軍營止額俸養廉薪水工食兵

餉總共實領銀一百六十三萬七千二百九十七兩

五錢四分七釐四毫